

HISTORIA
DE VITA IMP. CAES.
HENRICI IIII. AVG. ET HILTEBRANDI,
PONTIFICIS ROM. COGNOMENTO GRE-
GORII VII. circa ea tempora, quibus vterque
vixit, conscripta.



FRANCOFVRTI
Apud Andream Wechelum,
M. D. LXXXI.

MISSOURI

DE VILLAGE

HENRICI

POSTOFFICE

CORR.

MISSOURI

Henrich Heiner

3

MAGNIFICO VIRO, ERV-
DITIONE DOCTRINÆ, FACVNDIA, DI-
gnitate & virtute clariss. Dn. VITO ORTELIO WINSEMIO F.

Doctōri & professori Iureconsulto, illustriss. Electoris
Saxon. &c. Consiliario, Patro-
no S. obseruand.

S. D.

REINERVS REINECCIVS STEINH.



AXIMAM semper vim tempora habuere: & stu-
dia hominum diuersa non possunt non sentētias at-
que iudicia diuersa parere. Vtriusque, ut infinita
exempla alia omittam, memorabile nobis docu-
mentum prabet maximi & fortissimi Imp. Caf.
HENRICI IIII. historia. Hic enim vel eo sal-
tē nomine præclarissimè de Imperio meritus, quòd
pro maiestate & dignitate huius propugnauit con-
stantissimè, nec eam imminui, quātum in ipso esset,
passus unquam fuit, quanto sui temporis odio publico flagrauit? quāam fædissi-
mis scriptorum maledictis laceratur? Contrā verò in aduersariis ipsius faciliè
princeps HILTEBRANDVS Monachus, cognominatus in Pontificatu
Gregorius VII. tamesi nefariorum scelerum cumulatusissimus extiterit, tamen
quāam benigna fermè omnium studia habuit? quanta cum scriptorum commen-
datione celebratur?

NON possunt autem non, qui de his Annales perlegunt, graui dubitatio-
ne suspensi teneri. Et temerarium videtur, atq; insolens, ab iis, quæ tradita à
plurimis sunt, discedere. Verūm ex eo tanquam labyrintho eluctari ei dif-
ficile non fuerit, qui normam veritatem potius, quāam affectiones vel suas vel
alienas sequi maluerit. Vt ut enim è scriptoribus aliq̃ aliò inclinatione propen-
deant, ut ut sua tanquam χρῶμα & quarant, hæc tamē occultari non potuit.
Ac præstabitur ab eo quasi fundamento negotio nullo, ut ne alienarum quis sen-
tentiarum seruus esse cogatur, sed de re, ut se habet, iudicium ipsemet facere li-
berum possit.

ODERIT sanè dementata superstitionum fascino sua HENRICVM
IIII. atq; suspexerit è diuerso HILTEBRANDVM: & ad idem exem-
plum ita se scriptores accommodarint, ut hunc laudibus in cælum efferāt, illum
conuiciis proscindant acerbissimè. Nihil hoc apud eos, qui veritatis amore te-
nentur, & causam ponderant, quam defendendam vterque suscepit, vel Casari
derogat, vel Hiltebrandum a scelestissimi instituti crimine liberat. Etenim
ut inter se ambos conferamus, vixerat adolescentulus Henricus (neque enim
hoc negari potest) dissolutus: & ii, in quorum esset potestate, multa proteruè,
multa insolenter egere. Studuit hoc, ubi ætas maturuit, emendare, sed ut seue-
ritate uti minus tempestiua existimaretur, & suspicionem incurreret, quòd ita

à paucis penderet, ut reliquos despicere. Addidit his arces per Saxoniam, sibi quidem contra vim subitam receptaculum tutissimum, sed quibus gentis libertati insidiari crederetur. Ergo alienatis inde ab eo animis plurimorum, ubi eadem alienatio denique in bellum erupit, aduersarii armis impares, & omnino de Caesaris reconciliatione desperantes, ad Religionis presidium confugiunt: Caesarem Hildebrando Pontifici de atrocibus criminibus accusant, & ut partes is ipsorum constantius tueretur, hoc tanquam bolo hominem, ambitione perditū, inescant: Esse proprium ipsius munus, Caesarem creare: & eam dignitatem urbis Romæ beneficium censerit: incumbere ergo in hanc curam, dignus quispiam imperium ut gereret: Roma ius suum defenderet. Fuisse autem Hildebrandum professione initio Monachum, accepimus: A qua simulata humilitate deinde paulatim altius progressus, Pontificatum tandem artibus consecutus est pessimis. Adhuc priuatus id egerat, ut repetita ab HENRICO III. sanctio vetus, qua Pontificum creandorum ius ad Caesarum assensum restringebatur, aboleretur. Quod quia tum non successerat, postquam hæc tam ampla delata ipsi potestas fuit, ratus occasione eare felicius gerenda, & potentie suæ amplificanda, vii se opportunissima posse, cupidissime, & quod aiunt, ambabus manibus eam amplectitur: Casari neque audito, neq; quorum insimulabatur criminum conuictio, diras obnunciat, & ut ipso eum deturbaret Imperio, ordines universos sacramenti religione soluit: Cum ad hæc ausa & per Germaniam aduersantium Casari Principum studia, & Normannorum ac MATHILDIS, Comitissæ per Italiam potentissima, societas, ipsum confirmarent. Nec iacta ab illo alea ista frustra fuit: Quippe unde eam telam inchoarit, quam successores pertextentes, Caesarum inclinatum potestatem euerterint, suam stabilitatem auxerint. Etsi enim Henricus, quia aliter se suæque præstare salua, & retinere in officio Principes ac populum nequiuit, nimis humili abiectioe Hildebrando Canusq; supplicauit, & expiationem impetrauit, nequaquam tamen hoc accipit ita Pontifex voluit, quod eare etiam in Imperium illum restituisset, aut teneri ordines iterum sacramenti eius vellet. Et cum Casar deinde propter Imperij negotia substitisset in Italia diutius, ac Principes aduersarii interea Forchemij congregati, ex Pontificis auctoritate Henrico Imperium abrogassent, ut RVDOLPHVS ei surrogaretur, per legatum suum permittit, vel potius negotium hoc vehementer adiuvat. Inde bello accenso funestissimo, & toti Germaniæ exitiali, Hildebrandus suo seruiens instituto, cum in potestate se fore ipsius Rudolphus recepisset, hunc apertè defendit, Henricum verò iterum diris obstringit: Ac silentibus inter arma legibus, in Imperatorum præcipuè iniuriam promulgatam quidem iam antè, sed successu nullo, vrsit tum legem vehementius, ut ne scilicet dignitates ecclesiasticæ ab laico quoq; peterentur, tacitè potestatem illam sibi vendicās, seu istud re & veritate spectans, ut sola quidem collegiorum suffragia valerent, ipse verò hæc auctoritate & consensu suo moderaretur, Imperatoribus exclusus. Deinde vetera sed impia Cyricij & Gregorij Magni de sacerdotum coniugiis interdicta renouat, & ita renouat, ut etiam iam contracta dissoluerit, nefaria appellatione hæresin Nicolaitarum nuncupans. Quæquam verò Henricus difficultatibus circumuētus multiplicibus, opitulari ordini Ecclesiasti-

ecclesiastico, hūcque ab eo iugo defendere, nequiuit, aut etiam, quæ tum persuasio
 hominum mentes occuparat, id ad munus suum non admodum pertinere existi-
 mauit, de Imperio tamen ita nūquam animum despondit, ut subicere hoc Pon-
 tificum libidini, aut ius conferēdi Ecclesiasticas dignitates, à maioribus per ma-
 nus traditum, & recenti patris decreto sic stabilitum, ut & ipsi Pontifices eo
 comprehenderentur, id est, tum demum nomen id gerere permitterentur, si
 Casar, si reliqui Imperij ordines, comprobassent, concedere his unquam uellet:
 Cumq; ut religionibus solueretur, & in reipub. tranquillitatem consuleres, sepe
 cum Pontificibus componere studeret, dignitatem tamen suam, quam istis duo-
 bus capitibus intelligi volebat, semper excepit. Hinc iam studia partium acer-
 rima existeret, aliis, iisq; numero plurimis, pro Pontifice, aliis pro Casare propu-
 gnantibus. Qui cum Pontifice faciebant, in Casare animum præfactum crimi-
 nabantur, & Ecclesie ac religionis contemptorem atque hostem nuncupabant:
 ex hoc frigido commento argumento petiro, quòd Pontifici omnes dicto audien-
 tes esse oporteret. Econtrario Casariani nihil valere Pontificis anathema tan-
 quam iniustum contendebant, urgebant uetera Imperatorum iura, & iurisiu-
 randi religionem, quam tam Pontifex ipse quam Principes atque populus præ-
 stitisset: Addebant deinde de Hildebrando, minus huius auctoritati tribuen-
 dum, quòd Pontifex creatus vitio esset, & scelerum plurimorum infamia labo-
 raret. Quæ ita per summam animorum contentionem, & stylo & armis disce-
 ptata, etsi in eum tandem finem desiere, ut HENRICVS à Rudolphi cæde Hil-
 tebrandum, turbatum omnium auctorem, & ipsius vitæ aliquoties insidiatum,
 Pontificatu deturbatis, surrogato ei CLEMENTE III. & post Herman-
 ni ac Ecberti memorabilem occasum, rebus in Germania compositis, etiam Ita-
 liam pacarit, peruenit tamen religionis tum creditæ opinio, qua suam præcipuè
 Hildebrandus causam venditabat. Qui cum iam Salerni exul tertium in Hen-
 ricum diras vibrasset, secuti exemplum idem sunt, suffecti illi à Mathilde &
 Normannis, Victor & Urbanus. A postremo per Mathildem in partes tradu-
 ctus CONRADVS, Henrici filius, atque à patre alienatus, cum Clementem
 urbe pepulisset, patri fortunam, quæ inter aduersitates multiplices hætenus ta-
 men se conseruarat, primus inclinauit: Atque exinde, qui surrogati à Casaria-
 nis Clementi fuere, extorres & exules ferè per Italiam vagati sunt. Pertractus
 in eandem postmodo nassam fuit PASCHALIS II. temporibus, qui Vr-
 bano successerat, alter Casaris filius, HENRICVS: Qui etsi patri iuratus, &
 hoc summo beneficio obligatus, quòd in Imperio declaratus successor erat, pro-
 pterea tamen à fide eius se discedere posse persuaderi sibi passus fuit, quòd cum
 ille ex Ecclesia proscriptus esset, obstringeret sacramento neminem. Et quia Cæ-
 saris hostes veteres tum iterum se comouerent, & conungeret se Paschalis Pon-
 tifex, uno quasi momento res illius cum causa ipsa euerse fuere. Nam Henricus
 F. palàm pro Pontifice propugnauit, & hic è diuerso in Casarem antecessorum
 execrationes renouauit. Qui cum deinde post multa ludibria non diu superses
 fuisset, etsi Henricus F. iam confirmato Imperio, postquam serò tandem cum
 Phrygibus sapiens, in quas se angustias cōiecisset, ut nimium Pontifici obsecun-
 dando Imperatorum iura late, actasset, intelligere cepit, in Ecclesiasticas di-

gnitates ius à Paschali repetiit, frustra tamen hoc fuit: atque anathematis fulmine propterea ipse etiam ictus, & in summum dignitatis suæ & fortunarum discrimen adductus, diplomate id confirmare Calixto 11. compulsus fuit. Tentavit aliquanto post simile quiddam successor LOTHARIUS: sed dirarum Pontificiarum & turbarum novarum formidine, cum nonnihil etiã D. Bernhards precibus largiretur, rursus destitit. Iamq; parte hac Pontifices superiores, urgere mox alterum ab Hiltebrando intentatum Imperatoribus iugum de iure Imperij ad ipsos pertinente, ubicunque cõmodè potuere, non cessarunt. Quod licet in se etiam tencare ausum Adrianum 1111. masculè retuderit FRIDERICVS Barbarossa, neque Henricus VII. sibi à Cardinalibus obtrusum iusiurandum, quo Pontifici deuinciretur, prestare voluerit, res tamen per Clementem V. eò deuenit, ut formulam ille iuramenti solennis promulgarit, & Clementinis suis inseruerit. Vnde fieri hodie & paulo superiore ætate videmus, ut cum Pontifices antè Cæsares dominos agnoscere, & in verba horum iurare cogerentur, nunc vice versa prestare hoc Pontificibus Cæsares teneantur.

HÆC cum ita sint, & eam Hiltebrãdus, eam Henricus causam propugnarent, ceu tenebris quibusdam de mentis acie discussis, aliter de illis nos iudicare, necesse fuit. Et patet iam hinc temporis illius uesania, patet scriptorum ipsorum improba peruersitas. Cui hoc addo, redire inde suum magistratu summo, qui Cæsaris est, honorem, huiusq; vindicari existimationem, vindicari prorepublicæ susceptos labores honestissimos. Quemadmodum cõtrà in reprehensionem iustam incurrit proterua & malitiosa Hiltebrandi ambitio: Qua id Imperio inflictum vulnus fuit, cui cicatrix obduci nunquam potuerit, & imperatores ipsos in ordinẽ redactos non modica seruitute obstrinxerit. Quid? quod eiusdem scelere data in re Ecclesiastica turba grauissima, abolito, ut diximus, penitus sacerdotum coniugio: Vnde quæ calamitates orbem Christianum inundarint, plus satis iam ab aliis demonstratum est, & agnoscere id tandem ipsi Pontifices capere, quæ de re Pij 11. & Pauli 11. nota exempla: proditiq; tandem ex eadem veluti officina recens ista omnibus q; modis execranda Alombratorum in Hispania secta.

CÆTERVM qui de HENRICI Cæsaris & HILTEBRANDI historia peculiaribus scriptis explicarunt, quantum quidem mihi constat, aut videre contigit, duo è veterioribus extant præcipuè: de Henrico auctor aiorum, de Hiltebrando Benno Cardinalis: Quibus eo maior deberi fides videtur, quòd per ea tempora vixerint, quòd non audita, sed visa, & quorum adeò pars fuisse, commemorent. De auctore aiorum, ut ne quis fuerit, sciatur, sua ipse timiditate fecit. Cùm enim in usum priuatum Historiam illam, aut, si cui de argumento magis denominatio isthæc placeat, apologiam conscripsisset, eæ lege cū amico communicauit, ut is vel suppresseret, vel si ederet, nomen suum tegeret: veritus nimirum & hostium Henrici iniurias, & toti mundo tunc formidabile Pontificij anathematis fulmen. Bennonis præpositus quin veritas expresserit, dubium nullum est: Et si oratio ipsius minus bona, & expositionis contextus perturbator est, sic ut sarraginem potius quàm historiam dicere possumus. Fuerit quod & hoc quispiam meritò in eo desideret, quòd de natalibus Hiltebrandi, &

di, & prima ætatis studiis, nihil habet. De quibus quæ in nostris Annalibus reperissem, breuiter hic infero. Natus illum ferunt loco humili, hoc est, patre fabro materiario, homine Senensi. Cui cum adhuc puer ligna cadenti ad pedes luderet, hoc futura potentie præsagium edidit, quod seu casu seu præstigiis quibusdam, quibus postea de ditissimus fuit, reiectanea in litterarum formas, quæ Psalmi 72. versum hunc exprimerent: Dominabitur à mari usque ad mare, cōposuit. Isti huc enim & accipere tum pater iussus fuit, & postea euentus comprobauit. Vixit deinde aliquantisper in Imp. Cæs. HENRICI III. aula: Cui ex somnio quodam suspectus factus (viderat enim per quietem Cæsar, domum suam ab eo oppugnatum iri) cum emergere ibi nō posset, cucullum sumit. A quo tempore, quæ ambitionis insana conatu suscepit egeritq; magis compendiariorum quam historico stylo, Benno pertexit, & ita pertexit, ut monstrum hoc, in Ecclesiæ & Imperij perniciem natum, iustus depingere videatur coloribus.

QVIA autem utriusque scripti iam pridem exemplaria desiderabantur, & lectio auidè expetebatur à plurimīs, repetere nobis editionem ex iis exemplaribus, quæ nancisci potuimus, visum fuit: Cum stimulum adderet, quod alicubi nōnullam fortuna nostra imaginem (modò tamen comparare magnis parua licet) recognosceremus. Cui opera nostra tuum quasi patrocinium addidi, VITE WINSEMI, V. Cl. atque amplius, quod ad reliqua doctrinarum studia, quibus & summorum Principum tibi fauorem conciliaffes, & famam nominis inter homines doctos promeruiffes illustrem, etiam historie tractationem adijcere non ignauam soleres: Quandoquidem ab excellentissimi & felicissimi ingenij solertia facile perspiceres, ut in artibus intelligi regule & præcepta absque exemplorum prolatione & usu nequeunt, ita & ciuilem prudentiam præcipuè historiarum exemplis niti, expoliri & confirmari. Accessit deinde causa altera, quod ex gente eægenus & originem duceres, in qua Henricus III. floruisset: nec ciui, patria amantissimo, tantus Princeps hospes ingratus futurus videretur. Quod si & hoc de me adijcere par est, ea scilicet extant in me merita tua, ut cum referēde gratiæ non sim, ad voluntatis memoris edendam testificationem tenear. Ergo officium nostrum ita accipias, ut nos tui obseruantissimos beneuolentia complecti solita, mihiq; perspectissima, & ornare officii, pergas, oro obsecro. Quæ mea erunt partes, has eo studio ea fide tuebor, ut nihil fuisse mihi antiquius intelligas. Bene feliciterq; vale.

Francosurro ad Viadrum, VIII. Cal. August.

CIC. ID. XXC.



VITA HENRICI IIII. CAESARIS AVGVSTI, DVCIS BAVARIÆ

VII. PAVLO POST MORTEM ILLIVS

à quodam eius temporis conscripta.

PROOEMIUM.

*Auctor
liber.*



VI s dabit capiti meo aquam, & fontem lachrymarum oculis meis, vt lugeam non ex-
cidia captę vrbis, non captiuitatem vilis vul-
gi, non damna rerum mearum, sed mortem
Henrici Imperatoris Aug. qui spes mea & v-
nicum solatium fuit, imo vt de me taceam,
qui gloria Romę, decus Imperij, lucerna
mundi extitit? Erit posthac mihi vita iocun-
da? erit absque lacrymis dies aut hora? aut
tecum, ô dulcissime, potero illius mentionem habere sine fletu? Ecce
dum scribo, quod dictauit impatientia doloris, cadunt lachrymę,
madent fletu literę, & quod notat manus, diluit oculus. Sed forsan
impatientiam doloris mei redarguis, & vt fletum meum reprimam,
ne fortè iis, qui de morte Imperatoris gaudent, innotescat, instruis.
Rectè me doces, fateor: Sed non possum imperare mihi, quin doleam,
non possum me continere quin lugeam, licet in me furorem suum ex-
acuunt, licet me membratim discerpere cupiant: dolor timere nescit,
dolor illatas pœnas non sentit. Nec ego solus mortem eius lamentor:
hanc Roma plangit, hanc omne Romanum imperium deflet, hanc
in commune diuites & pauperes, præter insidiatores potentię vitęq;
eius, lugent. Nec mihi priuata doloris causa est: publicam lamentari
cladem pietas me cogit. Nam illo recedente, iusticia terras reliquit,
pax abiit, fraus in locum fidei subintrauit, chorus laudantium Deum
conticuit, solennitas officij diuini siluit, vox exultationis & salutis in
tabernaculis iustorum non auditur: quia qui hæc omnia solenniter
ordinauit, non inuenitur. Monasteria patronum suum, claustra pa-
trem amiserunt, quibus quid commodi quid honoris ipse conferret,
nunc demum agnoscitur, cum extinctus ea non tenet. Ergo claustris
omnibus vera dolendi causa subest: Nam cum illo sepulto gloria eo-
rum sepulta est. Heu Moguntia, quantum decus perdidisti, quæ ad re-
parandam monasterij tui ruinam talem artificem amisisti: si superstes
esset, dum operi monasterij tui, quod inceperat, extremam manum
imponeret,

*Communi-
catis*

Dolor.

Occupatio.

*¶ Tum de-
neque huius
nos nostris
intelligim'
bona, Cum
quæ in pote-
state habui-
mus, ea ami-
simus.*

imponeret, nimirum illud illi famoso Spirenſi monaſterio contende-
ret, quod ille à fundo fundatum uſque mira mole & ſculptili opere
compleuit, ut hoc opus ſuper omnia regum antiquorum opera laude
& admiratione dignum ſit. Qualem etiam ornatum ex auro, argen-
to, lapidibus precioſis & ſericis veſtibus illi monaſterio cōtulerit, di-
ficile eſt credere, niſi cui contingit & videre. Vobis quoque, ô paupe-
res, vel maxima cauſa dolēdi eſt: nam nunc demū pauperes facti eſtis,
cūm paupertatis veſtræ conſolatorem amiſiſtiſ: ille vos paut, ille ma-
nibus ſuis lauit, ille nuditatem veſtram texit: non ante ianuam, ſed
ante menſam eius Lazarus iacuit: nec micæ, ſed regias delicias expe-
ctauit. In ipſa menſa famem & fœtorem vlcerofa non abhorruit, cūm
miniſter menſæ contra fœtentem nares cortugaret, aut obſtiparet. In
cubiculo eius cæci, claudi, & diuerſis morbis conſecti iacebant; hos
ipſemet exalceabat, hos collocabat, hos de nocte conſurgens tege-
bat, nec abhorrebat vel ei uſ tactum, quem ægritudo compulerat uſ-
que ad ſordidandum lectum: iter eiſ pauperes præcedebant, comi-
tabantur, ſequebantur: quorum curam tamen ſi ſuis intimis commen-
daſſet, ipſemet tamen eoſ tanquam nulli commendatoſ curabat. Sed
& per curteſ ſuaſ uſque quaq; ſtipendia pauperibus diſpoſuerat, quo-
rum numerum & obitum ipſe ſcire voluit, ut & deſuncti memoriam
ageret, & in eiſ locum alterum ſubrogatum noſſet. Sed quando ſte-
rilitas anni famem indixit, multa millia pauēda ſuſcepit, verē memor
verbi dominici præcipientis: Facite vobiſ amicos de mammona ini-
quitatiſ, ut cūm deſeceritiſ, recipiāt voſ in æterna tabernacula. Quid
putamꝯ quo dolore pauperes afficiuntur, cūm hæc bona, quæ enu-
merauiꝯ, ſe habuiſſe, & nunc non habere, recogitant? Quiſ enim
illis hanc humanitatiſ curam impendit? quiſ quærit ubi æger cubet,
vel quid alimenti poſtulet? quiſ amplius iis miſericordiæ officiis in-
ſeruit, quibꝯ Henricꝯ Imperator inſeruiuit? O virum pietatiſ & hu-
manitatiſ laude inſignem: Imperauit mundo, pauperes illi: Mundꝯ
illi, pauperibus ipſe miniſtrauit. Hæc de bono miſericordiæ in pau-
peres, quos multꝯ amaui: & quod ab hominibus abſcondi non po-
tuit, non pro dignitate facti, ſed pro facultate ingenij primò locuti
(quiſ enim ſcire poſſet, quæ ſolo Deo teſte peregit?) de aliis quoq; vir-
tutibus, quibꝯ clariuit, aliqua dicamꝯ: Nam omnia dicere non ſuffi-
cimꝯ. Nemo miretur, ſi luſtui mortis eiſ vitæ quoque eiſ lata ge-
ſta immiſceam, cūm hic moſ dolentium ſit, ut cūm extinctum ami-
cum lugent, totam eiſ retro vitam & mores in argumentum doloriſ
ſui ediſſerant. Itaque iuuat me de eo ſcribere, iuuat indulgere dolori,
& mortuum flere, qui dum viuere gaudium meum fuit. Ille modò
perſonam Imperatoriſ, modò tanquam militiſ gerebat: ex vno geren-
dæ dignitatiſ, ex altero documentum præbens humilitatiſ. Tam ſub-
tiliſ ingenij tamque magni conſilij fuit, ut dum ſententia principum
vel in cauſa decernendi iuriſ, vel in tractandis regni negotiis hæſita-

*Sanctum Spi-
renſe.*

*Henricꝯ IIII.
benignitat
& clementia
erga ege-
ntes.*

*Virtus bel-
lica.*

Salernita.

44.

*Prudentia
et sagaci-
tas.**Statura ho-
minis atque
ambrosia.**Rex Græ-
cia.**Rex Afri-
ca.**Henrici in
facinorosis
pessima se-
neria.**Auſtor Gel
historia Gel
monu sumu
Gule suppre-
mi.*

ret, ipse citò nodū solueret, & quid equius, quid vtilius esset, tanquam ex ipsius arcano sapientiæ sumptum, edocent. Intendebat aliorum verbis, ipsemet pauca loquebatur: nec prius ad sententiam erumpebat, sed aliorum expectabat. In cuius vultum aciem oculorum suorum fixisset, eius animi motus perspiciebat, videbatque tanquam lynceis oculis, siue aduersum se cor odij, seu gereret amoris. Nec illud laude vacat, quòd in turba procerum cæteris eminentior & maior seipso videbatur, & quod in vultu terribile quoddam decus præferebat, unde intuitus aspicientium tanquam fulmine reuerberaret, cùm inter domesticos suos, & raram turbam, vultu placidus & statura æqualis appareret. Non solùm potentes imperij sui metuebant eum, sed & reges orientis & occidentis adeò fama eius perterriti, vt antè tributarij sint facti, quàm victi. Ipse Rex Græciæ vt metum dissimularet, amicitiam eius expetebat, & quem futurum hostem timuit, muneribus ne fieret hostis, præuenit. Testatur hoc aurea tabula Spirensis altaris, tam artis nouitate, quàm metalli pondere miranda, quam Rex Græciæ dum Imperatoris votum & studium circa Spirensē monasterium feruere cognosceret, nobile donū & tam eo qui misit, quàm cui mittebatur, dignissimum transmisit. Sed & Rex Africæ quia potentiam Imperatoris timuit multum, eius fisco multum addidit. Oppressores pauperum oppressit, raptores in direptionem dedit, contra se contumaces, contraque suam potentiam se leuantes, adeò retudit, vt in posteris eorum regis vindictæ vestigia vel hodie compareant: quo nimirum facto & suis in præsentī, & Imperij rebus in futurum prouidit, vt discant non disturbare pacem, non armis imperium vexare. Hic velim abrumperē stylum: nam, ventum est ad factiones, ad fraudes & scelera, de quibus vera scribere periculum, falsa crimen est: hæc lupus, hæc canis vrget. Quid igitur faciam? eloquar an sileam? manus incipit & dubitat, scribit, & renuit, notat & delet, vt penè ignorem, quid velim: Sed turpe est inceptam materiam mutilatam relinquere, & caput abque manibus pinxisse. Pergam igitur, vt cæpi, constans & securus inde, quòd fides tua ea mihi perspecta est, vt hæc scripta nulli detegas, aut si qua foras exierint, autorem non prodas.

HENRICI III. CÆSARIS AV- GUSTI VITA.

*Status Im-
perij post
mortē Hen-
rici III.
Cæs.*

Hunc Imperator Henricus, de quo nobis sermo est, patri suo gloriosissimo Imperatori, tertio Henrico, adhuc puer succederet in regnum (nam illo paruulo pater naturæ concessit) regno priorem statum adhuc tenente, non bella pacem disturbabant, non classica quietem rumpebant, non rapina grassabatur, non fides mentiebatur. Adhuc iusticia sui vigoris, adhuc potestas sui iuris erat. Hunc beatum regni statum Agnes Imperatrix serenissima, virilis ingenij fœmina, multum iuuuit, quæ vnâ cum filio

*Agnes Au-
gusta.*

Rem-

Rempubicam pari iure gubernauit. Sed quoniam ætas immatura parum timori est, & dum metus languet, audacia crescit, pueriles anni regis multis suggerebant animum sceleris. Igitur quisque nitebatur maiori se æqualis, aut etiam maior fieri: multorumq; potentia scelere creuit. Nec legis metus ullus erat, quæ sub rege paruulo, paruulam auctoritatem habebat, & ut omnia licentius facere possent, primo puerum matre spoliabant, cuius maturam sapientiam, grauesq; mores metuebant, illud causantes, non decere regnum administrari à fœmina, cum multæ reginæ legantur administrasse virili sapientia. Sed postquam rex puer de sinu matris abstractus in manus principum nutriendus venit, quicquid illi præscribebāt faciendum, ut puer fecit: Quem volebant, exaltauit, quem volebant, deposuit, ut regi suo non tam ministrasse, quàm imperasse merito dicantur. Cum regni causam tractabant, non tam regi, quàm suæ causæ consulebant: Idq; præcipuum eis fuit in omnibus quæ agerent, ante omnia suum quæsitum facere. Fuit hæc perfidia vel maxima, quod eum quasi sub sigillo seruandum in puerilibus actis suæ potestati relinquebant, ut & sic elicerent ab eo, quod affectabant. Sed cum in eam ætatis & ingenij metam euassisset, ut quid honestum, quid turpe, quid vile, quid non, discernere posset, retractans quæ suggestionem principum inductus gessisset, multa quæ gesserat, damnauit: Et ipse iudex sui factus, ex iis mutanda mutauit. Prohibebat quoque bella, violentiam & rapinas. Nitebatur pullam pacem & iusticiam reuocare, neglectas leges restituere, & sceleris licentiam rescare. Quos assuetos sceleri, per edictum coercere non potuit, per censuram legis & jus curiæ, mitius tamen quàm culpa exigeret, correxit. Quod illi nō iusticiam sed iniuriam putantes, & qui per omne nefas ruebant, frena pati respuentes, qualiter eum vel extinguerent, vel priuatum facerent, consiliis incumbabant, non recolentes se debere ciuibus suis pacem, regno iusticiam, regi fidem. Igitur Saxones, gens dura, bellis aspera, tam præceps ad arma quàm audax, vendicans sibi prærogatiuam laudis ex incepto furoris, repente super regem armis ruebant. Qui cum paucis contra innumeros armatos, confluere periculosum existimans, vix elapsus vitam laudi, salutem fortunæ prætulit. Itaque videntes inceptum suum votis non respondisse, ossa filij regis: nec dum enim Imperator factus erat (ô inhumanam mentem, ô probrosam vindictam!) effodere. Qua vtraque iniuria grauissima rex commotus, exercitum contra illam gentem duxit, conflavit, vicit: Vicit, inquam, aciem contra se instructam, non obstinationem erectam. Nam licet eos in pugna congressos vinceret, victos fugaret, fugatos persequeretur: licet bona eorum deuastaret, munitiones euerteret, & omnia quæ victori libent, faceret, non tamen ad deditionem cogi potuerunt. Iterum cum inde digressus, reparato in breui exercitu, eos inuaderet, diffidentes viribus suis, utpote in priori bello grauissimè contusis, quod saluti proximum erat, se dedidère, spe-

Occisum-
barum.Henric. III.
puer à ma-
tre abductus,
omnia ad a-
liorum præ-
scriptum a-
git.Corrumpi-
tur nimia
captatorum
indulgentia.Euphebus
adolescens
peccata cor-
ripit.Vocatur in-
odum.Saxones in
armis.Sepulcrum
filij Henrici
excoletum.Saxones
non ab-
stinentes
a.

rantes regem sola deditione contentum gratiam suam facile donatu-
 rum. Sed longè præter spem euenit: nam rex eos exilio addictos, in ali-
 enas terras misit, vbi dura custodia cōstricti, relaxationis edictum ex-
 pectarent. De quo exilio alij fuga elapsi, alij propter pecuniā à custo-
 dibus dimissi dum ad patriam & domum suam repedassent, recenti
 coniuratione se inuicem obligabant, vt parati essent, antè mori, quàm
 denuo deditioni subiici. Sed & validior eorum coniuratio facta est,
 quia nonnulli Longobardorum, Francorum, Bauarorum, Sueuorū,
 data & accepta fide, illis conglutinati sunt, qui regem bellis vndique
 pulsarent. Videntes autem regem bellis tangi posse, non deiici: vexari,
 non superari: quippe cuius robur adhuc erat inexpugnabile: vt vires ei-
 us extenuarent, cōfictis cōscriptisq; super eo criminibus, quæ pessima
 & immundissima potuit odium & liuor excogitare, & quæ mihi scri-
 benti & tibi legenti nauseam pararent, sic ponerem, vera falsis mi-
 scentes, apud Romanum pontificem Gregorium septimum eum de-
 ferebant: non decere tam flagitiosum, plus notum crimine quàm no-
 mine, regnare: maximè cum sibi regiam dignitatem Roma non con-
 tulerit: oportere Romæ suū ius in cōstituendis regibus reddi: provide-
 rent Apostolicus & Roma ex consilio principū, cuius vita & sapientia
 tanto congrueret honori. Qua surreptione delusus Apostolicus, si-
 mul & honore creandi regis, quem sibi fallaciter obtulerāt, impulsus,
 regem banno innodauit, & Episcopis aliisque regni principibus, vt à
 communione excommunicati regis se retraherent, denunciavit: Se ci-
 tò venturum in Teutonicas oras, vbi de negotiis Ecclesiasticis & potif-
 simum de regno tractaretur. Quin etiam & hoc addidit: absoluit om-
 nes à iuramento, qui fidem regi iurauerant, vt contra eum impelle-
 ret absolutio, quos fidei tenuit obligatio. Quod factum multis displi-
 cuit (si cui displicere licet, quod Apostolicus fecit) & asserabant, tam
 inefficaciter quàm illicitè factum quod factum est. Sed non ausim as-
 sertiones eorum ponere, ne videar cum eis Apostolici factum refelle-
 re. Mox & Episcopi, tam illi quos amor, quàm quos timor in partem
 regis traxerat, metuentes ordini suo, ab eius auxilio se pleriq; retrahe-
 bant: quod & maior pars procerum facitabat. Tum verò videns rem
 suam in arcto sitam, inito tam occulto quàm astuto consilio, subitum
 & inopinatum iter in occursum Apostolici arripuit, vnoq; facto duo
 peregit, scilicet & banni solutionem accepit, & suspectum sibi collo-
 quium Apostolici cum aduersariis suis ipse medius interceptit. Pro im-
 posito sibi crimine parum respondit: Quia ad accusationem inimi-
 corum suorum, etsi vera fuisset, nō sibi respondendum asseruit. Quid
 vobis profuit hoc egisse, vt banno illigaretur, cum de banno solutus
 potentia sua potenter vtatur? Quid vobis profuit, eum fidei crimi-
 nibus accusasse? cum accusationem vestram facili responso, vt ventus
 puluerem, dissipauerit? Imò quæ dementia vos contra regē vestrum
 & orbis rectorem armauit? Nihil cōiurata vestra malignitas proficit,
 nihil

*Infelix da-
dus.*

*Inde nata
conspiratio
& rebellio.*

*Henricus ac-
cusatur Gre-
gorio VII.
Papa.*

*Declaratur
absentem.*

*Osculum
insistunt.*

*Defectio-
nes ex ana-
themate.*

*Henrici ad
Papam pro-
fectio exen-
piata.*

*Apostrophe
ad Casarem
aduersarius
Sebenens.*

nihil peragit. Quem DEI manus in regno firmavit, vestra deicere non poterit. Vbi fides, quam illi iurastis? Quare beneficiorum, quæ regia liberalitate contulit in vos, obliti estis? Vtimini vel adhuc sano consilio, non furore, pœniteat vos incepti, ne fortior vobis superueniens vincat vos, & pedibus suis conculcet vos, & ea vindicta feriat, quæ futuris seculis demonstret, quid regia manus valeat. Saltem vos, ô Episcopi, videte ne pereatis de via iusta, videte ne transgressores fidei promissæ fiatis: alioqui quid consequatur vos ipsi nollis. Igitur rex ab Apostolico digressus, benedictione pro maledictione accepta, Rudolphum Ducem super se regem creatum inuenit. Qui audita regressionis eius fama, antè paratus ad fugam quàm ad pugnam, antè pulsus quàm victus, in Saxoniam fugit. Facile est regnum accipere, difficile neri. Sed nulli mirum sit, virum in rebus bellicis exercitatum & strenuum tunc fugisse: Quia sæpe iustior & victrix causa fortes in metum mittit & in fugam. O avaritiam, pestem pessimam, quæ bonos mores transuerterit, & sæpe ipsas virtutes ad vitia trahit. Ille Rudolphus Dux eximius, vir magnæ autoritatis & laudis in toto regno, veri rectique tenax, fortis in armis, denique spectatus in omni genere virtutum: Ille, inquam, avaritia, quæ vincit omnia, victus, & supplantator domini sui factus, fidem incerto postposuit honori. Fuere tum qui dicerent, ab Apostolico eum immisissum, nec vnquam tantæ virtutis virum magis avaritiæ quàm consilio celsisse. Et hoc in argumentum sumebant, quòd Apostolicus tacuit, dum post absolutionem regis Rudolphus regnum inuasit: iuxta illud Comici: Qui tacet, satis laudat. Itaque rex cedente Rudolpho, cuius caput, si deprehensus esset, vindex gladius dignè rotarer, Bauariam, Sueuiamque inuasit, & coniurationis aduersum se socios vastauit, munitiones eorum fregit. Nec tamen pro iniuriæ suæ materia se vindicabat, sed sciens in ultione freno vri, longè infra metam culpæ cohibebat habenas vindictæ. Sed Rudolphus vt dedecus fugæ virtutis facto recompensaret, Wirtzburgensem ciuitatem obledit, vbi tamen fraude magis quàm virtute pugnatum est. Nam cum rex ad propellendum hostem exercitum conuocasset, instructa amborum partium acie, & primis inter se prælia miscentibus, quidam equites regis partis mercede conducti, qui se regis lateri quasi fidi clientes applicuerant, subito in ipsum arma verterunt: Sed ære munito corpori liuorem, non vulnus inflixerunt. Heu miserrimi, quibus precium & sceleris causa fuit & necis, quos vno in loco & crimen inuoluit & vindicta. Nam eos tot vindices dextræ in frustra concidebant, vt in eis humani cadaveris figura periret. Fit tumultus, exoritur clamor, spargitur rumor, regem interfectum: Quo rumore perterritus exercitus su-

*Rudolphus
Henrici a-
mulum.*

*Franciscus
attollit. Qui
rei in meli-
te causa,
Quæ nesciam
sua subest,
excussit ar-
ma pueri.*

*Papa iuxta
missus
non.*

*Henrici &
Rudolfi bel-
lum civile.*

*Præliū Wir-
zburgense.*

*Auri sacra
fames: quid
non mortua
cogit Pe-
terus?*

git, hostis insequitur. Et quoniam in equis equitum salus, solis peditibus miserabile fatum incubuit. Ideoque victoria quanto maior, tanto minoris tituli fuit. Sic hostis vrbe capta, impositoque præsidio, in Saxoniam regressus est. Quid improbe tibi prouit, vel indiscreta cædes fugientis vulgi, vel fortuna captæ vrbis, cum nec vrbe diu, nunquam autem regno potiaris? Rex enim breui post tempore cum exercitu reuersus, ereptam urbem recepit. Nam ij quibus prouincia vrbis tuendæ tradita fuerat, ex vrbe profugerant. Postea Saxoniam cum exercitu sæpius ingressus, aut victor aut æqua manu recessit. Sed ad vltimum reuersus, tam notanda quàm felici victoria vicit; magnūque mundo documentum datum est, vt nemo contra dominum suum consurgat. Nam abscissa Rudolphi dextera dignissimam periurij vindictam demonstrauit, qui fidem domino suo regi iurata violare non timuit: & tanquam alia vulnera non sufficerent, ad mortem accessit etiam huius membri pœna, vt per pœnam agnosceretur & culpa. Sed & aliud notandum in illa victoria contigit, videlicet quod tam victor, quàm victus exercitus: Nimirum hoc ordinante desuper diuina clementia, vt post ruinam capitis ex alterna fuga tolleretur nefas alternæ cædis. Sed gens dura nec damno monita est, nec signo, quin potius vt obstinatione vinceret, quod manu non poterat, Hermannum nouum sibi regem constituit, qui & ipse nouo modo periit. Nam cum Saxones eum de terra sua proturbarent, quicquid illud fuerit, quod eis in illo displicuit, reuersus in patriam suam, portans inane nomen regis, ad Hermannum Treuirensē Episcopum se contulit, quem etiam ad ausum sentiendi contra regem inexpugnabilis munitionum firmitas impulerat. Quanta potentia regis, qui alendus fuerat non ex suis, sed ex opibus alienis? Quadam die cum iter ageret, incidit animo suo iocus ille, vt ad castellum, quo ituri erant, sub specie hostium ruerent, & quæ audacia, quæ virtus animis defendentium inesset, tentarent. Quam mirabilem viam, quam inopinam sæpe inuenit, quod futurum est vt fiat? Cumque portam absque claustris & absque custode repertam irrumperent, aliis qui intus erant raptis armis viriliter contra procurentibus, aliis latebras eneruiter quærantibus, fœmina sexu, fœmina non animo, quæ in turrim euaserat, molarem in caput regis demisit: Et sic ille manu fœminea, vt mors eius turpior esset, occubuit. Sed vt hoc dedecus dealbarent, fœminæ factum in virilem personam excomposito transtulerunt. Post hanc regum fortunam in creatione regum diu hæsitatum est, & casus præteriti metus erat futuri. Vicit tandem cu-

Wirtzburgum ab hoste recuperatur.

Belles Heruici in Saxonia.

Rudolphus periturus dextram & uiam amittit.

Hermannus Iunior Rudolphum fugatur.

Rudolphus miserabilem sortem.

dem cupiditas, & Ecbertum Marchionem ad ambitum regni fortimanu impulit, qui tamen in morte serò didicit, quòd alter ex alterius damnis instrui possit. Vrbserat in Saxonia, quæ quia fortunam regis prospero ire cursu videbat, in partes eius se conuerterat, præsumens fiduciam & ex loci sui firmitate & ex regia subuentione. Quod indignè ferentes Saxonum proceres, vrbem obsidione vallabant. Marchio verò Ecbertus, qui spe potiundi regni intumuerat, vt se accommodaret ad id, quod affectabat, maiori super omnes robore ad obsidionem illam ibat, præmissaque multitudine cum paucis ipse sequebatur. Quem deuiantem à publica via, ne fortè incideret in hostes (quis enim tam potens qui hoste careat, aut qui hostiles insidias non metuat?) latens semita per quoddam arbustum duxit. Quàm occulta iudicia tua D E V S, quàm miro ordine & abscondis quæ facturuses, & aperis quod abscondisti: Iam meridianus ardor solis equos equorúmque sessores vrebat, & vt fit, sitim æstus accendebat. præterea tam grauis sopor fessis obrepfit, vt colla somno languida penderent, & equi frenis non fessili liberam viam carperent. Haud procul in recessu saltus solitarium molendinum conspexere, quò diuertentes sopori se dedere, misso interim molendinario, qui de villa potum sitientibus afferret. Qui dum imposito scapulis suis vtre festinaret, aliquoscutatos ad prædictam obsidionem tendentes obuios habuit, qui erant occultè fideles regis, licet aduersæ partis. A quibus interrogatus vnde prodiret, quò tenderet, cur tam anhelus properaret, nesciens cælare, quod sciebat, hospitem suum & causam itineris indicauit. Qui stupefacti, seu metu, seu potius gaudio, versantes inter se quid agerent, quid periculi, quidque præmij, quid virtutis, quid laudis, quid fidelitatis inesset, si tam magnum hostem regis ferirent: occasionem illam non frustra sibi oblatam: maximam virtutè per maxima discrimina probari: incitatis alternatim animis, immisilis equis ad molendinum properabant. Sed peruenerunt antè votis quàm equis. Incepta est pugna, quæ diu dura fuit & dubia, quia virtute pares & numero congressi, hi pro laude, illi pro vita pugnant. Regis tamen fortuna vicit, & hostis ferocissimus non in acie sed in molendino peremptus turpiter iacuit. Felix nimium es, & multi semper nominis mola, ad quam trahit homines non tam tuum volubile officium, quàm fama, quæ & molendo pugnam illam narras, & narrando molis. Sic ille conuentus Procerum confusus, prociuctum soluit, sic ab obsidione infecto negotio recessit. Itaque res regis in altiore & feliciorem statum se quotidie promouebant: aduersariorum autem eius deorsum vergebant, & omne eorum inceprum in turpem exitum definebat. Cùm ergo cernerent nullum se habere successum, nec in armis, nec in electione regum; iterum se conuicijs armauerunt, & eum apud Apostolicum præter alia multa

Ecbert. Marchionem ad-
urbem.

Nex in molendino.

Henricum ab
auxiliorum
occafus ito-
rum Papa
occafus.

& nefanda criminati sunt, quòd reges christianissimos, quos ipsi non sine authoritate Apostolici creassent, ille ob crimen suum extorris à regno factus, occidisset, regnum sanguine vsurpasset, igne, præda, ferro cuncta vastasset, & tyrannidem suam aduersus Ecclesiam & regnum omnibus modis exercuisset. Ad quorum criminationem Apostolicus eum iterum banno, vt ipsi iactabant, illigauit. Sed non magni ponderis ille bannus habebatur, eo quòd non rationis sed arbitrij, non amoris sed odij esse videretur. Cernens autem rex Apostolicum ad hoc tendere, vt se regno priuaret, nec alia sua obœdientia contentum, nisi vt regno renuntiaret, ex obœdientia in rebellionem, ex humilitate in tumorem relabi coactus, hoc Apostolico facere parabat, quod Apostolicus sibi facere intenderat. Cessa obsecro, Rex gloriose, cessa ab hoc molimine, vt Ecclesiasticum caput de suo culmine deiicias, & in reddenda iniuria te teum facias. Iniuriam pati felicitatis est, reddere criminis. Quærebat itaque rex causas & occasiones qualiter eum eiiceret, inuentumque est eum Rom. sedem olim abiuratam infedis: quam idcirco abiurauerit, quia ad eam dum archidiaconus esset, adhuc viuente domino suo per ambitionem aspirare voluerit. Vtrum hæc vera sint an falsa, parum comperi: alij assererebant, alij figmentum esse dicebant: vtrisque Roma fuit in argumentum: his, quòd Roma mundi domina nunquam pateretur tale nefas: illis, quòd ea cupiditatis ancilla facilè permitteret ob precium omne nefas. Mihi autem in medio res relinquenda est, cum incerta nec possim defendere, nec ausim affirmare. Igitur cum exercitu Romam pergebat, proterens in via quicquid obstabat, oppida fregit, tumida pressit, ardua curauit, factiones dissipauit, in cuius aduentu Roma persuasa, quæ debuerat honores, arma, tanquam Pœnus Hannibal Alpes transcendisset, parabat, & regi suo velut hosti portas præcludebat. Vnde rex iusta commotus indignatione, urbem obsidione (qua res postulabat) occlusit, & qui sibi aditum, illis exitum negauit. Missi circumquaque qui castella frangerent, villas euerterent, bona diriperent: prouinciæque nocuit foris, quod Roma seclauferat intus. Fotis bella, intus metus erat, vndique machinæ surgebant: hinc murum aries pulsabat, inde milles scalis ascendere parabat. Contrà qui in vrbe erant, tela, saxa, præustas sudes, ignemque iactabant, interdum egressi, comminus committebant, vtrinque fortiter pugnatum est: hos causa, illos periculum fortes fecit. Quadam die cum exercitus vterque pugna æstuque fessus, circa meridiem sopori se dedisset, nec speculator (vt fortuna voluit) vigilaret, vnus ex scutariis propius ad murum, vt pila legeret, accessit. Cumque erectis & intentis auribus explorasset, intus neminem adesse (nam murum & propugnacula vacua cernebat) adiutus & animi confidentia, & corporis

Inde iterum dura.

Talis.

Roma cupiditatis ancilla.

Henrici expulsi in Papam.

Obsidio Romæ.

Vide historiam de Perro Grasso.

poris leuitate, manibus & pedibus sursum enitebatur, donec tandem muri summitatem apprehendit. Tum verò cùm iactatis circumquaq; oculis neminem videret, inter spem & metum positus, toto corporis motu sociis innuebat, vixq; se à clamore, cùm tardius innuentem attenderent, abstinerebat. Qui raptis armis & scalis properantes, citiusque (vt aiunt) dicto murum superantes, captam urbem serò defendentes interficiunt, capiunt, fugant. Dedignabatur iam rex reclusum portarum aditum, vbi & sequens à præeunte tardaretur, & præcedens à sequente premeretur: sed in ultionem temerariæ præclusionis iussit, vt fracto muro, tam latum sibi ingressum panderent, quò totus exercitus æquato iunctoq; latere se simul immergeret. Igitur vbique mors, vbique luctus erat. Roma contremuit, dum impulsæ turrium altitudo corruit. Fugit Apostolicus, & qui omnes in periculum impulerat, omnes in periculo deseruit. Tandem Romam præsumptionis suæ pœnituit, & quæ prius meruisse poterat, vt à Rege donis honoraretur, nunc ingenti pecunia apud regem vix obtinuit, ne tota subuerteretur. Mox sedatis omnibus, Rex causam cur venisset, in publicum protulit, quod de Apostolico crimen accepisset, retulit: multis hoc ita factum confessis, Clementem Papam ad electionem omnium instituit: à quo ipse communi omnium fauore consecratus Imperator, & patricius factus, Romæ se per aliquod tempus, dum omnia in solidam reformaret concordiam, continuuit. Nec prætereundum, quod & relatio fidelium personarum in Teutonicas oras diffamauit, & ipsa Roma asserit. Imperator consueuerat quoddam oratorium orationis causa frequentare, & nullum diem, quin veniret, prætermittere. Elegerat autem sibi in eodem auditorio locum orationi familiarem, vbi tanto intentius, quanto secretius orationi vacaret. Hanc eius cōsuetudinem dum quidam profanæ mentis attenderet, seu propria seu potius aliena instimulatus nequitia, grande saxum super trabem ad feriendum desuper caput Imperatoris posuit, sublataq; de laqueari tabula, quæ caput Imperatoris recta despiciebat, mittendo ponderi foramen aperuit, demisso fune sæpe explorans, ne saxum in cadendo falleret. Postquam satis exploratum est, minister doli sursum in nocte scandens, desuper obseruabat, dum Imperator staret ad orandum in loco quo consueuerat. Tamen ille audius alieni exitij, sed nescius sui, cùm pondus in caput Imperatoris libraret (Imperator autem parum se de loco mouerat) cum pondere infelix ipse pondus ille Imperatore cecidit. Per totam Romam citò res innotuit, & plebs, quæ non facile sedari potest, dum mota fuerit, inuito Imperatore, semianime corpus per rupes per saxa tractum, in frustra discepit. Tum verò cuncti rem signo non euentui assignantes, fide & animis Imperatori deuinctiores facti sunt: & inimicum consilium non solum illi fideles firmavit, sed & multos ex inimicis fideles fecit: Sicq; dum nocere studuit, profuit. Denique Imperator omnibus Romæ composi-

Roma expugnatur.

Papa fugat.

Exauferatur.

Mensis imperatoris patricium renouatur.

Petrus frater infideli.

Regrreditur rex ad imperium in Germaniam.

tis, impositoque vrbi præsidio, ne ei fidem mutaret, nouæ dignitatis apicem gerens, in Teutonicum regnum reuersus est. Sed nulla fortuna longa est. Nam hi, quos Imperator Romæ præsidio imposuerat, ægritudine correpti, quam & locus & tempus intulerat (erat enim ætas) ne vno quidem superstite mortui sunt. Tunc Roma iugo præsidij sublato, compos arbitrij sui facta ad ingenium rediit, & reumptis aduersus Imperatorem armis, pulso Apostolico alium constituit. Nam ille prior Gregorius à vita discesserat. Quod vbi Imperatori compertum esset, iterum aduersus Romam exercitum promouit. Sed in Italiam veniens, cum legati à Roma pactum pacis ferentes occurrerent, & cum inimici moliminis fama sequeretur, relicto in Italia filio Conrado, iam tum regni sui hærede designato, regressus est, scilicet qui se grassanti Mathildi, & pæne totam Italiam sibi vendicanti, opponeret, & regnum, quod futurum erat suum, de manu fœminæ tolleret. Quid facient inimici, cum insurgant in parentes ipsi filij? vnde securitatem sibi quis promittat, cum nec ab eo tutus sit, quem genuit? Cessent iam connubia: nemo sibi optet hæredem: hæres tuus erit hostis tuus. Nam non solum te domo tua prædiisq; spoliari, sed & vita spoliare festinat. Filius Imperatoris, quem in Italia relictum à patre, & quam ob causam relictum diximus, à Mathilde persuasus, (quem enim astutia fœminea non subuertat, aut decipiat?) iunctus inimicis patris, coronam sibi imposuit, regnum inuasit, profanauit ius, & ordinem confudit, impugnavit naturam, quærebat patris sanguinem: Quia non nisi sanguine patris regnare potuisset. Quod vbi ad hostes Imperatoris currens fama pertulit, exultabant, plaudabant, cantabant, laudabant factum filij, præcipuè fœminam ducem facti. Mittebant properè legatos, qui stimulum animo noui regis adiiicerent, & adderent oleum camino, qui per se, sed contra se fidem & opem perpetuam iurarent. Quanquam dudum se tam filio quàm patri nunquā obtemperaturos coniurassent. Imperator autem ad hanc famam tametsi intus doluit, in grauitate tamen sua se foris tenuit: & non suam sed filij fortunam conquestus est. Cum autem eum ab incepto reuocare non posset, non tam suam iniuriam, quàm exemplum iniuriæ per vltionem tollere quærens, filium exhæredare, & fratrem eius Henricum adhuc puerum in regnum promouere cogitabat. Igitur multis procerum conuentibus habitis, Imperator super filio tuo Conrado cōquestus est: Quia additus hostibus, regnum inuassisset, & quòd patrem nō solum regno sed & vita priuare conaretur: Iniuriam suam publicam esse debere, vel si nullum ea moueret, saltem hoc Reipub. causa præstarent, vt per vim neminem & scelus regnare patrentur: Transferrent potius electionem in minorem filium suum, quam iure maior amisisset. Plæriq; contrà nitebantur, magis vtentes ingenio quàm iusto & vero. Multi autem publico bono fauentes, sententiæ votoque Imperatoris concordabant. Tandem omnibus in vnā

sententiam

Præsidij Romani interuocis, indeque noui moris.

Conradum Henrici F. Mathildis.

Euclematro in liberorū impietate.

Conradis bellis.

Affectu.

Henrici ad vltionem F.

sententiam cōiunctibus, & concordī fauore approbantibus, Imperator minorem filium, inuasore prius ex decreto curiæ diiudicato, heredem regni sui constituit: à quo, ne & ipse abiret in viam fratris sui, iurandum accepit, videlicet ne vnquam se vel de regno, vel de prædiis patris eo viuente (nisi fortè ex consensu ipsius) intromitteret. Iam tum murmur & metuserat, inter duos fratres intestina bella fore, magnâq; regni cladem futuram. Sed qui omnia dispensat, hunc metum letho maioris filij sustulit, & vt regnum in vnâ concordiam redire posset, occasionem dedit. Quibus ita transactis, hostes Imperatoris detruncato torques capite nō habentes cui adhærerent, pactione subacti, quod optimum erat, in pacem bella, in domesticam securitatem castra conuerterunt. Igitur vt vbique pax & tranquillitas esset, conuocatis ad curiam primatibus, pacem per totum regnum sub iuramento firmari fecit. Et ad inhibenda mala quæ fiebant, grauem pœnam in transgressores decreuit. Quod quidem pacis decretum quantum miseris & bonis profuit, tantum peruersis & potentibus nocuit: Illis copiam, istis egestatem & famem inulit. Nam qui in milites bona sua distraxerant, vt multo milite stipati procederent, & aliis armorum copia longè præstarent, hi dum sibi licentia rapinarum erepta est (quod pace illorum dictum sit) egestate laborabant, cellaria eorum penuria & fames possidebat. Qui nuper spumeo ferebatur equo, contentus esse cœpit vel rustico iumento. Qui nuper non aliam vestem quærebat, nisi quæ rubeo murice tincta arderet, bene secum actum aiebat, si nunc vestem quam natura suo colore tinxisset, haberet. Gaudebat aurum non se iam in luto calcari, dum ferreis calcaribus inopia cogeret vti. Denique quicquid vanitatis quicquid superfluitatis corrupti mores intulerant, totum penuria magistra refecabat. Oppida in ripis posita, quibus præda nauium victum præbebat, nauta securus, esuriente oppiduli præside, præteribat. Mira res, nec minus ridicula. Alij iniurias suas iniuriis vindicant, Imperator suas pace vindicabat. Cùm autem domini cum satellitibus suis per aliquot annos hac lege stringerentur anxij, quod non liceret eis vti libertate peruersitatis suæ, iterum aduersus Imperatorem murmur mouebant, iterum super eius factis sinistrum rumorem seminabant. Quid illud (rogo) est, quod admisit? Nempe hoc erat, quod scelera prohibebat, quod pacem & iusticiam reuocabat, quod iam latro viam non obsedit, quod sylua suas insidias non occultauit, quod nautis mercatoribusque liberum erat suam ire viam, quod vetitis rapinis raptor esuriebat. Cur, obsecro, vobis non aliunde nisi ex rapto viuere placet? Reddite agris, quos ex agro depulistis armis: coarquate numerum satellitum ad mensuram facultatum, recolligite prædia vestra, quæ stultè sparsistis, vt multos armatos haberetis, & redundabunt omnibus bonis horrea & cellaria vestra: Nec erit ampliùs necesse aliena tollere, cùm quilibet ex proprio possit abundare. Sic fit, vt nec Impera-

*Surrogatur
Conrado
exherede.*

*Pax à Conrado
morte
edicto sanc-
cita.*

*Eadem bel-
liferis in-
commoda.*

*Apologia
pro imp.*

tor crimine denotetur, nec bellum in regno moueatur. Sic fit, vt & corpori farisfacere habeatis, & animas vestras (quod fœlicissimū est) saluetis. Sed nihil ago, asinum ad lyram voco: Consuetudo mala aut nunquam aut vix tollitur. Igitur assueti rapinis, vt occasionem repetendæ consuetudinis inuenirent, mouendis irerum bellis animum intendebant, iterū æmulum Imperatoris reperire quærebant. Ad quam rem filium eius maximè idoneum existimabant. Itaque vt suggestioni locum inuenirent, quæ prima decipiendi lenocinia erant, frequenter eum venatum secum abducebant, conuiuiorum illecebris inescabant, iocis in dissolutionem animi mulcebant, & ad pleraque faciendæ, quæ adolescentia suadet, secum trahebant. Deniq; vt fir inter adulescentes, quodam sodalitatis glutino vincti sunt, vt etiam fidem dextramque mutuis sacramentis darent. Cùm ergo eum multis dolis irritum decipi posse considerarent, quodam die inter alia tanquam ex obliquo patrem eius in mentionem adducebant: se mirari, quòd tam durum patrem pati posset: nihil eum à seruo differre, cùm omnia quæ serui sunt, toleraret; patrem eius senem esse, & moderandis regni habenis inualidum: Si inuestituram regni vsque ad obitum eius differret, haud dubium quin alter illud sibi præriperet: illum multos fautores habiturum propter inuidiam & odium patris sui: se autē omnium vota in se transferre, si non cunctaretur suscepti regni gubernacula possidere, maximè cùm patrem eius excommunicatum & Ecclesia dudum reiecerit, & procures regni reprobaauerint. Nec sibi obseruandum, quod incautè iurauerit, imò tum demum se sanctificasse, si iuramentum excommunicato iuratum irritum faceret. Pater verò de filio nihil mali suspicatus, familiaritatē eius cum maioribus regni probauit, sperās eos sibi postmodum tanto fidelius & validius auxilium ad obtinendum regnum laturus, quanto prius inuicem in amore magis coaluissent. Quid multa? statim ille ctus & abstractus à concupiscentia, malignæ suggestioni (vt semper seductilis est adolescentia) nec voto defuit nec facto. Igitur filius Imperatoris obseruans tempus recedendi à patre, quando id maximo patris incommodo fieret, euntem illum cum exercitu contra quosdam Saxonum rebelles, qui per legatos obuiam Imperatori missos pactioni insistebant, repentè abstractis ab eo multis, deseruit, procul dubio deserendus ab iis, qui sibi, vt defertor fieret, persuaferunt. Missis Imperator post eum legatis, tam lacrymis quàm mandatis reuocauit, obtestans eum, ne senem patrem contristaret: imò ne patrem omnium offenderet, ne se sputis hominum exponeret, ne se fabulam mundo faceret. Insuper meminisset, quæ se sibi cautione obligasset: hostes esse non amicos, insidiatores non consultores, qui sibi talia suggestissent. Ille prorsus abnuuit, & se non vlterius secum partem habiturum, quia excommunicatus esset, asseruit. Ita sub specie causæ DEI suam causam egit. Illico Bauariam, Sueuiam, Saxoniam percurrit, procures conuenit, attraxit omnes (vt

*Asinum ad
lyram voco.*

Henricum F.

*alioquin
corruptela.*

O flagitium.

*Henrici F.
fuga & de-
fectio.*

*Religio sceleris præ-
stare.*

sunt ingenia nouarum rerum cupida) & subintravit in regiam potestatem, tanquam sepelisset patrem. Mox castellum Norinberch minax obsedit, ubi quanta virtute pugnatum sit, clades utriusque partis argumento fuit. Sed obsessis quanto minus spei, tanto plus animi inerant: & nisi Imperator sceleri parcens, castellum tradere præcepisset, adhuc ibi cassa obsidione laboraret, excepto si sola fames, quæ cuncta expugnat, illud non expugnaret. Ecce quanta pietas patris! Reddidit contra filij factum paternitatis affectum: non attendit iniuriam sed naturam: maluit oppidum tradi, quàm filij discrimine liberari: maluit eius iniurias tolerare, quàm vindicare. Igitur oppidani oblata qualem vellent pactione, oppidum tradiderunt: dimissoque exercitu, rex Ratisbonam se contulit, ut eam, dum adhuc ancipiti penderet animo, stabilem sibi fixaque fide immobilem faceret. Quod ubi comperit Imperator (sedit enim tunc in vrbe Wirtzburgensi) reputans filium vel in itinere vel in vrbe comprehendi posse, tam præcipiti tamque tacito cursu vestigia eius sequebatur, ut iter eius non antè, donec modica turba suorum, transitu Danubio, ad urbem immisissis equis ruerent, præsciretur. Obstupefactus filius ad tam subitam & inopinatam rem, ex vrbe profugit. Cur fugis non fugiendum? cur fugis patrem tuum? sequitur te, non persequitur: sequitur, inquam, non ut hostis, sed ut pater: non ut perdat, sed ut seruet: sequitur ut turbatam ex te Rempublicam in quietum statum restituat, & tuis rebus in futurum prospiciat. Missis illico rex nunciis per Bavariam & Sueuiam, sparsum exercitum recolligit: Quæ res Imperatorem coëgit, ut & ipse exercitum cogeret. Igitur exercitus uterque ad fluvium, cui Regino nomen, se sibi opposuit: hinc pater, inde filius: hinc pietas, inde furor confedit. Cumque potentiores utriusque partis, tanquam tanti dissidij mediatores conuenirent, qui ex parte Imperatoris erant, persuasibilibus illecti verbis, & multis magnisque pollicitationibus attracti, erga Imperatorem in fide frangebant: & nisi domesticam fraudem præsensisset, solus cum paucis peticulo relictus esset. Igitur quod faciendum fuit, sceleri fortunæque cedendum putauit, & ad similitudinem David, ne filius patricida fieret, fugit. Quàm mirabiliter gratia DEI operatur? quàm euidenti signo nos docet, si doceri vellemus, si cæcum cor non haberemus? Cogitans Imperator, quòd inimici sui via, qua venerat, persequerentur eum, ad Ducem Bohemix diuertit, qui quamuis nuper eum in arcto non bene reliquisset, cum magno tamen honore suscepit, & usque in Saxoniam deduxit: ubi quamuis infestis & fortes inimicos haberet, per eos tamen, & ab eis usque ad Rhenum honorificè deductus est. Vnde hoc? nisi quòd manus Domini erat cum eo, & inuisibilem ducem habebat, qui eum securum per tela, per hostes ducebat? Hoc miraculo monitus es, ô fili Imperatoris, si mo-

Norinber-
ga.cuius pa-
terna.

Ratisbona.

Henrici P.
fuga belli.
cuius apparat
tui.Regino fluv-
ium.Henrici pa-
tris ab ino-
rum defo-
riones fuga.Dux Bohe-
mia.Benignitas
in hoste.

neri posses, vt disceres venerari patrem tuum, non persequi, quem venerati sunt, cū in manus eorum venisset, etiam inimici. Sed durius moneberis, cū ex hac tam leni admonitione non corrigaris. Cū autem Imperatoris fuga cognita esset, euentus ille multos ab eo seduxit, multūq; rebus filij sui accedere, suis autem decedere fecit. Continuò rex vt fauentem sibi fortunam vrgeret, curiam Moguntinam ad natalem Domini indixit, inuitauit procures, accersuit multos, vt cunctis innotesceret, quia dominus rerū esse vellet. Ad quam curiam etiam Imperator, conuocatis necessariis suis, venire disposuit, volens in ratione ponere, rectè ne secum an secus actum esset. Quod cū agnouissent aduersarij eius, metuentes sibi & causæ suæ, si veniret ille, tã armatus multitudine, quàm ratione, hanc fraudē regi suggerebant, vt obuius patri sumpto valde pœnitentis vultu culpā fateretur, & gratiam expeteret: dolere se, quòd malignæ suggestioni consensisset, paratum se ad omnem satisfactionem, dum gratiam inueniret. Et si sic occasionem fraudis inuenire posset, vteretur illa: Sin autem, fraus ipsa pro fide, simulatio teneretur pro veritate. Hac instructus arte cū venisset ad patrem, pater credulus verbis & lachrymis filij, irruit super collum eius, flens & deosculans eum, gaudisus instar illius Euangelici patris, reuixisse filium, qui mortuus erat, & inuentum, qui perierat. Quid multa? cōdonauit filio tam pœnam quàm culpam: & hoc fuit illi iniuriam filij vindicasse, paterna lenitate filium corripuisse, iuxta illud Comici: Pro magno peccato filij, paululum supplicij satis est patri. Post hæc patrem sicut ficta pœnitentia, sic & consilio fefellit, suggerens ei, quemadmodum sibi suggestū fuerat, vt dimissa tanta multitudine, ad curiam ambo mediocri copia venirent: nihil esse, cū ipsi coiissent in concordiam, quod illi resisteret: vastari omnia, si pergerent ea copia. Placuit consilium patri: bonum quidem, si fraudulentum non fuisset. Dimissaq; multitudine, non plus quàm trecentis viris ad curiā filio comite pergebat. Ventū est ad nocturnā mansionē: ibi se filius obsequio patris totū impendebat, ibi se pater cum filio mirum in modum per totam illam noctem oblectabat, colloquebatur, colludebat, amplexabatur, osculabatur, audis recompensare damnum oblectationis diu intermissa: sed nescius illam oblectationis noctem vltimam esse. Mirum, fraudem vimq; tam ordinatam fortunam habuisse. Postera namq; die cū appropinquarent Moguntia, venit nuncius subornatus qui diceret, Bauaros & Sueuos cum ingenti multitudine Moguntiam venisse. Tunc filius suggestit Imperatori, non esse tutum venire in medios hostes, nisi prætentatis eorum animis: audaciam hominum nullis regi frenis: diuerteret potius ad castellum, quod iuxta erat, dum ipse conueniret eos, & à sententia incepti deduceret, & ad eum ob requirendam eius gratiam, secum adduceret. Fecit Imperator vt filius suggererat, diuertit ad castellum, non cernens laqueum doli, quē texerat pulchra species mendacis fidei. Cū au-

*Commentum
Imperij Mogunt.*

*fraudem
ta machi-
natio.*

*Henrici F.
simulacrum
obsequium.*

Dolus.

*Quidam
vultu
aut
verba, vt
dicitur
in
quibus.*

tem Imperator cum paucis intrasset, occlusa porta, fidelibus eius aditus negabatur, detecta; fraude, qui receptus est vt Dominus, tentus est ibi vt captiuus. Itaque appositis patri custodibus, cum hoc fraudis triumpho ad Moguntinam curiam reuersus filius, tanquam rem virtutis egisset, cum magna iactantia retulit, quo ingenio patrem comprehendisset. Tum verò curia plausu læticiaque resonabat : & nefas iusticiæ fraudem virtuti ascribebant. Statim misso legato, patri mandauit, vt si vitam seruare veller, absque mora sibi crucem, coronam & lanceam, cæteraque regalia transmitteret : & munitiones, quas firmissimas tenebat, in manum eius transferret. Nec ille cunctabatur omnia quæ iussus est facere, nec imperium pluris habebat quàm se. Sed non in hoc satis fecisse videbatur, nisi & ipse coram veniret, & in conspectu omnium imperio renunciaret. Venit ergo non suæ potestatis, sed in comprehensione adductus: Solus coram eis, qui dudum coram se steterant, stetit: nec orationis libertatem habens, vt captiui fortuna postulabat, loquebatur. Inquisitus de spontanea Imperij renunciatione, non quod voluntas habuit, sed quod necessitas coëgit, respondit : se videlicet Imperio renunciare, non vi coactum sed propria voluntate inductum, sibi iam defecisse vires ad moderandas regni habenas, non se eius iam cupiditate teneri, quod longo vsu didicisset, habere plus molestiæ quàm gloriæ: tempus esse, vt honore cum onere deposito, prouideret animæ suæ: tantum filius caueret, ne quid tale faceret in se, quod indignum esset, & illum facere & se pati. Multos & oratio Imperatoris & fortuna ad gemitus & lachrymas commouit: filium autem ad miserationem nec ipsa natura mouere potuit. Et cum caderet ad pedes filij, orans, vt recogitaret in se saltem ius naturæ, nec vultum nec animum ad patrem reflexit : Cum ipse potius ad patris pedes aduolui debuisset, eo quòd illi regnum (cuius hæres ab ipso designatus fuerat) impatiens moræ, præripuisset. Præterea veniam precabatur ab omnibus, quos vnquam iniuste læsisset: Sed & pedibus Apostolici legati aduoluitur, orans & obsecrans, vt se à banno solueret, & communioni Ecclesiæ redderet. Laici misericordia moti, veniam dabant: Legatus autem domini Apostolici absolutionem negabat, asserens non hoc suæ potestatis esse : oportere ab ipso Apostolico absolutionis gratiam eum expectare. Quid multa? abrenunciata Imperiali dignitate priuatus discessit, & ad quādam ciuitatem, quam filius victui illius permiserat, recessit. Quàm impotens potentia mundi, quàm instabilis ! Sed nec potentia dicenda est, quæ ad omnia quæ vult efficax non est, & quam qui assequitur, amittere potest. His ita transactis, finitaque curia, rex superiores Rheni regiones & vrbes pertransiit, & vt res postulabat, hos beneficio, illos iniuria sibi subiecit. Cum autem intrasset Alsatiā, ibi fortuna eius aliquantulum hæsit, ibi pugnam tam infelici euentu, quàm impruden-

Henric. pater ex imp. captiuus.

Spoliatus insignibus & fortissimis.

Abducit se imperio.

O Ægyptum & ferreum filij pedem.

Legatus Papa durior Latini.

Exclamatio.

Henrici P. imperium.

*Clades &
fuga & sedatione
Rufachæ.*

ti gessit incepto. Nam cum in villa Rufach, quæ multitudine prævaleret & armis, satellites eius superbè grassarentur, frequentia ciuium iniuriam prohibebat: nec enim dum iniuria modum excederet, patiens esse poterat. Audito tumultu, rex properabat, non ut iniuriam prohiberet, sed iuuaret, non ut pugnam sedaret, sed amplius commoueret. Quæ res totius villæ turbam exciuit: ruit irreuocabile vulgus, femina cum viro, seruus cum domino, ignauus cum forti: & ut prærunque sit, animum iniuria ministravit. Incepta pugna, incepta est fuga: Nam qui regiæ partis erant, cum viderent impetum furentis turbæ, & rem in arcto sitâ, considerantes in virtute sua cladem, in sola fuga salutem, qui poterant fuga vitam seruabant. O infelicem euentum, ô dedecus

Talis.

regni: fugiente rege, regalia insignia vulgi præda facta sunt. Resipisce tandem rex bone, resipisce, & supernam iram in hac sorte tua recognosce. Iudicium iræ DEI est, ut fugeres, qui patrem fugasti: & insignia perderes, quæ patri abstulisti. Sed his postea receptis, interueniente pacto pacis & gratia veniæ, regem sententiam mutare fecit altum

Vindicta.

vulnus iniuriæ, ut maiori robore collecto, villam incendio prædæque vastaret, & in homines loci illius indiscreta cæde sæuiret. Sed quod in se fortuna tantum ausa est, ex patris consilio prodisse suspicatus, nouas iniuriarum cogitationes in eum cogitare cœpit: & ne sibi esset obstaculi materia, vel ad comprehensionem eius, vel ad expulsionem ani-

Hic filius conuincit aduersum patrem.

Leodum.

imum intendit. Itaque Leodij, ubi eum fidem & fortunæ suæ receptaculum inuenisse audierat, Pascha sibi celebrandum statuit, ut & ipsum, si fieri posset, comprehenderet, & ab Episcopo, qui sui honoris æmulum recepisset, iniuriam expostularet. Cumq; pater audisset, quod filius Leodij Pascha celebrandum statuisset, legationem ad eum in hunc modum direxit: Si interrogem te, fili dulcissime, traditio hominum an mandatum DEI præstantius, magisq; tenendum sit, respondebis, nisi à vero deductus sis, similem esse iumentis, qui cœlestia terrenis, humanis diuina non præferat. Cur ergo magis audise eos, qui tibi suggerunt, persequere patrem tuum, quàm verbum ipsius DEI, honora patrem tuum? Isti te decipiunt, non instruunt: Isti honori tuo non prouident, sed inuident: Isti sub specie fidei, perfidiæ laqueos nectunt: non aliter peruenire potuerunt ad destructionem honoris tui, nisi per destructionem nostri. Fuerit sanè, ut peccatis meis exigentibus (quæ sententia aduersariorū meorum est) abiecerit me Deus, ne regnem: at tamen tuum non erat, in abiectionem meam operam dedisse, & regnū quod tibi paraueram, mihi præripuisse. Barbara regna tam inhumanū facinus damnant ac deuouent: ipsi pagani abhorrent, & qui Deum nesciunt, quid in diligendis hominibus naturæ debeant, recognoscunt. Sed quid mirum, si maligna surreptio seductilem & immaturam ætatem decepit, cum etiam senes & fixum animi statum ad malum mala consilia nonnunquam inflectant? Fortuna mea alieni po-

Henrici patris ad filium legatio.

Cauder.

tius,

tius,quàm tui sceleris est:Nam tu in manibus suadentium eras,non ille in tuis. Si autem iniuriam addideris, non iam excusari poteris,cùm & factam crimen esse scias,& infectam nō facere queas. Audiui enim, quòd Pascha Leodij celebrandum decreueris: Quo in loco fides & pietas Episcopi me recepit,cùm non esset, qui vel beneficiorum nostrorum recordaretur,vel fortunæ compateretur: cuius profectò beneficiis in me te decet regia liberalitate respondere: tantoq; certior de eius fide poteris esse,quanto fidelius erga nos probatur egisse.Hic,nisi te forte domo receperit, me secum in festiuitate paschali retinendum decreuit,At dicis,dignum & conueniens esse,vt ea festiuitas nos iungat, potius quàm diuidat: te velle, te cupere, vt ibi tecum agam dies paschalis læticiæ: quod quidem & ego admodū cuperem, si non esset, quod timerem. Neque enim non possum non timere eos, quos mihi vitam permisisse, pœnitet, dum in manibus eorum mors & vita fuisset.Omnia mihi suspecta sunt, omnia timenda sunt, maximè in turba, vbi tanto difficilior est periculi cautio, quanto maior sceleris occasio. Inde est,quòd ex medio eorum,qui me oderunt,longè recessi, & in extremis regni tui finibus me contraxi: vt vel secessu loci tutus sim, vel si fortuna mea postulauerit extraneam humanitatem expetere, citius regno tuo cedere possim. Precor ergo vt causâ patris tui paschalem curiam alibi disponas, & in domo eius, qui me humanitatis gratia recepit, cùm non liceat Imperatorem, saltem hospitum esse sinas, ne vel in meum ludibrium, vel in tuum opprobrium narretur, quòd in solennitate dominicæ resurrectionis incerta hospitalia fortuna mea quærere cogatur. Si feceris quod postulo, maximas grates habeo: Sin autem, malo villicus esse in externis regnis, quàm ludibrio haberi in regnis quondam meis.Hanc legationem patris aure furda audiuit filius, nec à sententia sua deduci potuit. Quamobrem cùm iam instantepascha pater recedere vellet, Episcopus & Henricus Dux (qui & ipse ab Episcopo fuerat inuitatus) eum recedere prohibebāt: Non se posse pati,vt in tāta festiuitate è rectis hominum syluas peteret latebrasque ferarum: Illum quidem absque causâ destitutum Imperio, sed non amicorum obsequio: si pace frui permitterentur, nihil se magis quàm pacem velle: Sin autem res armis agenda sit, arma sibi non defore. Ille verò ne eis materia cladis esset, cedere quàm manere vtilius asserens,tandem eis cùm importunius instarent, consensit,& vt postulabant mansit. Iamque multus equitatus faciem regis longè præcedens ad pontem fluuij, qui vocatur Mosa, venerat, & alterius ripæ crepidinem filius prædicti ducis cum paucis occupat. Nam turbam armatorum non longè per opportuna loca in insidiis locauerat.Qui vt pugnam prouocaret,nunc equum in rectam cursus lineam immisit,nunc in orbes flexit & reflexit, & si pares numero configere secum auderent, inquisiuit. Nec mora transierunt ad eos totidem ex parte regis, mixtique inter se vario reflexu, nunc pugnam in-

*Animum
gratum.*

*Henricus P.
impietas.*

*Leodisio
fides:Leo-
burg,fides.*

*Henricus Lem-
burg. F. ad
pugnam se
comparat.*

*Hauffes tra-
regema.*

ferebant, nunc fugam agitabant. Interim vnus & alter transito ponte sociorum numerum latenter auxit, & rupto certaminis pacto, ex æquali inæqualem fecit. Quod videns filius ducis terga cum suis vertit, non tam vt fugeret, quàm vt falleret: nec tam vt fugiens periculum vitaret, quàm vt sequētes in periculum deduceret. Hi autem qui ex aduersa ripa erant, visa fuga, præcipiti cursu pontem transeuntes fugientes persequiebantur, ignari futuræ sortis & fraudis, quæ latebat. Postquam enim ventum est ad locum, vbi dispositæ fuerant insidiæ, exurgentes de insidiis, impetu magno in persequentes ferebantur. Il-

Victoria.

li autem inopino territi periculo metuque turbante, nil rationis in armis habentes, in fugam se retorserunt. Sed quid profuit auertisse pectora, & vulneribus terga dedisse? Itaque multi capti, multi truncati, multi occisi sunt: victorque cruentus non alium modum sceleris habebat, nisi quem fastidium faciebat. Ad pontem verò vbi fugax multitudo se coarctauerat, tanto plus sceleris impia manus peregit, quanto minus constipata turba se mouere potuit. Sed multo plures fluuius absorbit, quàm ensis hausit. Nam cum hostis à tergo premeret, impellente metu se in fluuium præcipitabant, & attoniti confusique de morte in mortem ruebant. Erat ibi cernere & aliam miseriam vel maximam, cum pons multitudine prægrauatus repente corruit, & fluuius homines equosque pariter inuoluit. Nulli locus erat euadendi: nulli profuit ingenium natandi. Nam aut armorum pondere aut inhzrentium connexione fatigatus, in profundum trahebatur. Quod malum vt scelestius esset, in ipsa die parasceue contigit, creuitque magnitudo sceleris ex reuerentia temporis. His ita trans-

Colonia.

Bonna.

*Henrici V.
ad ordines
Imperij que
rimonia.*

actis, rex iter Coloniam conuertit. Sed cum illa quoque aditum sibi præclusisset, in villa, quæ dicitur Bonna, dominica tantum Paschæ peracta, Moguntiam festinus rediit. Et sparsis vbique legatis, querimoniam ad proceres in hunc modum direxit: Si per inuasionem regnum occupassem, tamen resistentes potestati nostræ retunderem, in quantum possem. Nunc autem cum in sumpta regni dignitate vestris paruerim præceptis, ausus est quispiam impune in publicam contumeliam regnum & nos armis vexare. Cum enim Leodium ituri, vbi nobis curia paschalis habenda fuerat, ad fluuium Mosam venissemus, Episcopus Leodiensis & Dux Henricus, de quorum fide & obsequij deuotione multum præsumebamus, nobis latenter insidias posuerunt, & nostros inscios & ad pugnam imparatos cædebant, capiebant, fugabant: Quæ & quanta clades ibi acciderit, tam pudet referre quàm inultum dimittere. Igitur constrictus & euentus asperitate & temporis articulo Coloniam diuertit. Quæ cum me recipere satis superbè refutaret, apud villam Bonnam sanctum diem Paschæ vtcunque peregi. Cui vnquam regiæ personæ tanta contumelia facta est? Nec solum me petit hæc contumelia, vos despecti estis: isti præsumptores decreta vestra auctoritatem habere nolunt, sua tan-

tum

tum statuta firma esse volunt: denique in quos totum regni pondus se reclinat, haberi cupiunt; regem, quem constituis, destituere parant, ut nihil eorum quæ vos decernitis, ratum sit. Igitur hæc iniuria mea regni potius est, quam mea. Nam vnius capitis licet summi deiectione, reparabile regni damnum est. Principum autem cõculatio, ruina regni est. An hæc impunè feremus? & ex ignobili patientia nostra magis tumebit eorũ superbia? Absit, ut qui dicimur in honorati, dicamur & inulti: pauca dixisse sat est: desides animi prolixæ cohortationis stimulo opus habet. In strenuis causâ magis ad incitamentũ facit quam verba. Quia igitur cõtra tam superbos hostes R. P. viribus utendũ est, expeditionẽ vobis & rogando præcipimus & præcipiẽdo rogamus, cuius collectioni tempus Calẽdas Iulias, locum Wirtzburgensem urbẽ præfinimus. Cũ ergo audisset Henricus Dux & Colonienfes cum Leodienfibus, quod super se rex exercitum ducere vellet, arma parabant, copias colligebant, vrbes firmabant, & ad resistendum pari voto studioq; se accingebant. Sed & Imperatorẽ consiliis & precibus vrgebant, ut imperialem dignitatem, quam non ratione conuictus, sed vi ferroq; mortem intentante coactus dimississet, resumeret, se sibi nec armis de fore nec animis: multos illũ in breui fautores habiturum, quia multi multum abominaretur tam insolitum facinus & inhumanum. Quorũ importunitati hac ille ratione reniti cõpit: Impossibile esse amissum imperium, armis repetere, quod possessum armis retinere nequiuisset: Illud sibi non esse tanti, ut multorum exitio recipiendum existimaret: Beatius sibi & tutius fore, ut priuatus, licet indignè deiectus, viueret. Sic vtrinq; data redditaq; ratione, cũ instare non desinerent, ne benignitatẽ circa se remoueret à se, nec ad integrũ consensit, nec abnuic, prouidusq; futuri, præcipites eorũ animos spe dubia suspendit. Igitur primò Coloniã, quæ primum impetum latura fuerat, vallo turribusq; muniebant, & congestis belli stipendiis, impositoq; præsidio periculũ suum fortibus animis expectabant. Sic & alias vrbes, quas inuadẽdas credebant, munitione, machinis & robore militum firmabant. Sed & edictum sub cõminatione crudeli vbique spargebant, ut aduersus exercitum in magna supetbia super se venturum parati essent, & patriã, libertatem, vitamq; defenderent, nec sinerent vxores suas corruptionis ludibrio substerni, vel agros in alienos dominos distrahi. Iam rex Rhenum cum exercitu valido transierat, & primò Coloniã, quæ quasi caput inter alias vrbes eminebat, magno impetu inuasit, putans se sibi membra facilius subiicere posse, contrito tam valido capite. Sed res longè præter spem euenit. Nam cruenta repulsa retroacti, procul locatis castris urbem obsidione vallabant. Magis autem dixerim obsessores ab obsessis obsessos. Nam præreptis sibi nauibus, quæ per Rhenum descendentes exercitui commeatum portabant, premente fame quasi quadam obsidione constricti laborabant. Interim ut urbem ab obsidione liberarent, totius patrię robur vndique coibat. Sed Impera-

*Expedicio
inducta.*

*Apparatum
aduersus
exercitum.*

*Henricus
pater
inhibetur
imperium
repetere.*

*Eius
prudẽtia
& modus
defensa.*

*Colonia
ope
re munitur.*

*Obsidetur
ab Henrico
E.*

*Henricus pa-
trum prudens
consilium.*

tor tam cruentum facinus detestatus, pugnam obnixè dissuadebat: cur eis tantus ardor pellendæ obsidionis inesset: quæ non nisi magna sui clade pelli posset: tollerent omnem sollicitudinè capiendæ vrbs, quæ & ex firmitate murorum & ex forti milite tutissima, & omni victus genere esset opulentissima, accedente & Rheni beneficio, qui per naues delicias, quas appeterent, inuito obsessore subministraret: sinerent potius eos in cladem suam furere, & inexpugnabilem urbem, unde vulnera tantum caesosque reportarent, impugnare: sinerent eos latè vastare, dum ruris copia consumpta, esurire inciperent: sinerent eos grassari, dum equos viresque labor enervaret: fore ut victoria sibi paruo constaret, si paululum tolerantia & opportunitate temporis uti voluissent. Sic Imperatoris hortatu à pugna reuocati, hostiles tantum excursus obseruabāt, & ignaros loci passim cædentes metum hosti, ne longius euagaretur, incutiebant. Omnia verò quæ prædixerat Imperator, eueniunt. Quoties enim tentabant portas infringere, ariete murum perfringere, tormentis turres deiicere, infecto negotio, vulnera tantum & funera ad castra reportabant. Sed nec ulterius progredi latitante in insidiis hoste, præsumebant: homines & equi exhausti tam alimentorum penuria quam laboris improbitate, viribus deficiebant. Nam agris in circuitu vastatis, nihil reperiabant. Accessit his malis etiam morbus, quem fœtor castrorum (ut fieri solet) aere vitato concitauerat, qui non solum vulgus, sed ipsos principes aut ægritudine confecit, aut letho rapuit. Huiusmodi rerum aduersitate fatigati, quid facturi essent, ambigebant, quia volentes mori, occasionem pugne non inueniebant: aut si reditum pararent, certi quoddam hostis à tergo premeret, exercitum suum fuga spargendum metuebant. Quæ tempestate mentis dum fluctuarent, subito fama veniens, nubila tantæ perturbationis in serenum conuertit. Retulit enim, Imperatorem mortis debitum persoluisse. Ad quam famam primò hæsitabant. Sed cum nuncius extremum munus, patris annulum videlicet & gladium, cum mandatis filio portans venisset, tanta læticia oborta est, ut voces gratulantium minimè sedari possent. Sed non minor luctus circa funus Imperatoris erat: procures plangebant, vulgus lamentabatur, ubique gemitus, ubique planctus, ubique vox dolentium audiebatur: ad exequias illas viduæ, pupilli, denique totius patriæ pauperes conueniunt: desunt se orbatos patre, fundunt in corpus lacrymas, deosculantur largas manus, vix auellebantur ab amplexu extincti corporis, vix illud condendi copia dabatur. Sed nec tumulum deserebant, ibi vigiles lacrymis & orationibus vacabant, plangendo recitantes, & recitando plangentes, quamnam opera misericordiæ fecisset in se: quanquam mors eius plangenda non fuit, quam bona vita præcessit, qui fidem rectam, spem firmam, compunctionem cordis amaram in extremis suis tenuit, quem nec de pudendis admissis publicam agere confessionem puduit,

Mort.

*Luctum fa-
ciunt.*

puduit, qui tota cordis auditate dominici corporis cibum sumpfit. Fœlix es Imperator Henrice, qui tales excubias, tales intercessores tibi parasti, qui nūc multipliciter auctum de manu Domini recipis, quod in manus pauperum abscondisti: turbulentum regnum pro tranquillo, defectiuum pro æterno: terrenū pro cœlesti mutasti. Nunc demum regnas, nunc diadema portas, quod tibi nec hæres tuus præripiat, nec aduersarius inuideat. Ergo continendæ sunt lacrymæ, si cōtineri possunt: huic tuæ fœlicitati debetur tripudium, nō luctus; exultatio, non planctus; voces gratulantium, non dolentium. Post hunc rerum euentum hi qui cōtra regiam maiestatem bellum susceperant, mortua spe sua animis & viribus deficiebant, & quod in illo retum articulo faciendum fuit, ad gratiam regis deditione, pecunia, quoque modo quisque poterat, recurrebant.

Rerū commutatio.

Ecce habes de gestis, de expensis in pauperes, de fortuna, de obitu Imperatoris Henrici, quæ sicut non poterant absque lacrymis à me scribi, sic non poterunt absque lacrymis à te legi.

Epilogus.

F I N I S.

EPISTOLAE ALIQVOT

HENRICI III. CÆS. AVG. AD PONTIFICEM ROM. ET ALIOS

TIFICEM ROM. ET ALIOS

principes.

HENRICVS DEI GRATIA REX, ANNO-

ni, Colonienfi Archiepiscopo, gratiam, salutem, dilectionem.

IN maximis negotiis maximis maximorum opus est consiliis, qui & facultatem habeant exterius, & voluntate non careant interius, vt rei, cui bene cupiunt, bene consulere & velint & possint. Quia in cuiuslibet rei profectu, nec facultas sine voluntate, nec voluntas sine facultate proderit. Quod vtrunque tu fidelissime, vt arbitramur, æqualiter possides, vel vt verius dicamus, licet maximo tibi maxima nō desit facultas, maior tamen adhuc maxima facultate (si te bene nouimus, si fidem tuam diligenter notauimus) in nostram & regni vtilitatem exuberat voluntas. De præteritis enim fideliter exhibitis in futuris crescit spes fidelius exhibendis. Tuæ autem dilectioni committimus ne spes nostra maior sit fide tua: quia de nullius regni principum vel Episcoporum fidelitate, quàm de tua, maiora speramus: Sicut hætenus non modò in præteritarum rerum exhibitione, verum etiam in sperandarum promissione tua gauisi sumus. Adsit igitur hoc tempore opportuna tua cum facultate voluntas, quam non modò nostra, verum & omnium Episcoporum fratrumque tuorum, imò totius oppressæ Ecclesiæ exoptat necessitas.

Locus consensu.

Capitis benevolentia.

Adiutoria.

Non etiam hanc oppressionem ignoras, tantum vide ne oppressæ Ecclesiæ te subtrahas, sed regno & sacerdotio condoleas: Quo utroque sit hucusque Ecclesia est exaltata, ita nunc heu humiliatur viduata. Nam unus dum utrumque sibi vendicauit, utrumque dissipauit, nec in vno profuit, qui in neutro prodesse voluit, nec potuit. Et ne diutius notari nomine te suspendamus, accipe quem dicimus, Hildebrandum scilicet, Monachum habitu quidem, dictum Apostolicum, non pastoris cura sed inuasoris violentia Apostolicæ sedis præsentem, & de sede pacis catholicæ, pacis vnitæ vincula dissipantem, ut tibi met in promptu est scire. Ut enim de pluribus pauca referamus, regnum ac sacerdotium Deo nesciente sibi usurpauit, in quo piam Dei ordinationem contempsit, qui non in vno sed in duobus duo, id est, regnum & sacerdotium principaliter consistere voluit: sicut ipse Dominus Saluator in passionis suæ de duorum gladiatorum sufficientia typica intelligi innuit. Cui sum diceretur: Ecce Domine, duo gladij hic respondit, satis est: significans hac sufficiente dualitate spiritualement & carnalem gladium in Ecclesia esse gerendum, quibus omnino nocium foret amputandum, videlicet sacerdotali ad obædientiam regis pro Deo, regali verò gladio ad expellendos Christi inimicos exterius, & ad obædientiam sacerdotij interius, omnem hominem docens fore castigandum: Ut ita de alia in aliam charitate tenderetur: dum nec regnum sacerdotij, nec sacerdotium regni honore priuaretur. Hanc Dei ordinationem qualiter Hildebrandica insania confuderit, tu ipse nosti, si scire voluisti. Nam nullum eius iudicio licet esse sacerdotem, nisi qui hoc à fastu suo emendicauerit. Me quoque, quem Deus in regnum, non autem illum vocauit ad sacerdotium, quia me de Deo, & non de illo regnare velle vidit, quia ipse me regem non constituit, regno priuare studuit, minitans regnum animamque mihi tollere, quorum neutrum concessit. Hæc & iis similia cum sæpius in nostram, ut ipse nosti, contumeliam struxerit, non tamē adhuc sufficere credit, qui de die in diem noua exquisita confusionis genera nobis ingerit, ut in nostris nuncijs nouiter argumentum dedit. Nam charta exponere non sufficit, qualiter eosdem nostros nuncios tractauerit, quam indignis modis affecerit, quam crudeliter eosdem incarcerationis, & carceratos nuditate, frigore, fame, siti ac plagis contriuerit, sicque demum ad exemplum per medium ciuitatis circumductos omnibus spectaculum præbere iusserit, ita ut eundem cum Decio tyranno insanire, & sanctos assare credas & dicas. Vnde ne pigeat, charissime, communi nostrum, scilicet meæ & coepiscoporum tuorum petitioni satisfacere, ut in Pentecosten Wormatiam venias, & ibi plura, quorum pauca docet chartula, cum cæteris audias principibus, & quid agendum sit, doceas: Rogatus per dilectionem coepiscoporum, monitus per Ecclesiæ utilitatem, obligatus per vitæ nostræ & regni totius honorem.

Hildebrandum Monachum Episcopum, auctoritatem turbantem,

Duo Ecclesiæ gladij.

Papalis arrogantia.

Cæsar à Deo, non Papa potestatem suam habet.

Tyrannia in legatos.

HENRICVS DEI GRATIA REX VNIVERSAE

*sancta Rom. Ecclesia, Clero & populo, gratiam, salutem
& omne bonum.*

HÆc fides firma & inconcussa creditur, quæ semper & eadem & *Fides.*
præfenti & absenti feruatur, nec diuturna eius, cui debetur, absentia, nec longi temporis tædio immutatur. Et de alia epistola: Exurgite in eum fidelissimi, & primus in fide, sit primus in eius damnatione. Non autem ut sanguinem eius effundatis, dicimus: quippe cum maior sit sibi post damnationem pœna vitæ quàm mors. Sed ut eum, si *De Hiltebrando folio deturbandi loquatur.*
nolit descendere, cogatis, & alium communi omnium Episcoporum & vestro consilio à vobis electum, in Apostolicam sedem recipiatis, qui quod iste in Ecclesia vulnerauit, curare velit & possit.

HENRICVS NON VSVRPATIVE, SED

pia Dei ordinatione Rex, Hiltebrando non iam Apostolico, sed falso Monacho.

HANC talem pro confusione tua salutationem promeruisti, qui *Causa inscriptura.*
nullum in Ecclesia ordinem prætermisisti, quem confusionis non honoris, maledictionis non benedictionis, participem non feceris. Ut enim de multis pauca & egregia loquamur: rectores sanctæ Ecclesiæ, videlicet Archiepiscopos, Episcopos vel presbyteros non modò non tangere, sicut Christos Domini, non timuisti, quin sicut seruos, nesciètes quid faciat Dominus eorum, sub pedibus tuis calcasti: in quorum còculcatione tibi fauorem ab ore vulgi comparasti, quos omnes nihil scire, te autem solum omnia nosse iudicasti: qua vtrique scientia non ad ædificationem sed ad destructionem uti studuisti: ut iure hoc beatum Gregorium, cuius nomē tibi vendicasti, de te credamus prophetasse dicentem sic: Ex affluentia subiectorum plerunque animus prælati extollitur: existimat se plus omnibus nosse, cum se videt plus omnibus posse. Et nos quidem hæc omnia sustinuimus, dum Apostolicæ sedis honorem conseruare studuimus. Sed tu humilitatem nostram timori fore intellexisti: ideoque in ipsam regiam potestatem, nobis à Deo concessam, exurgere non timuisti, quam à nobis auferre ausus es minari: quasi nos à te regnum acceperimus: quasi in tua & non DEI manu sit regnum vel imperium. Quia DOMINVS noster IESVS CHRISTVS nos ad regnum, te autem non vocauit ad sacerdotium. Tu enim his gradibus ascendisti: scilicet astutia & fraude, quòdque monachica professio abominatur, pecunia fauorem, fauore ferrum, ferro sedem pacis adisti, & de sede pacis pacem turbasti, dum subditos in Prælatos armasti, dum Episcopos nostros à DEO vocatos, tu non vocatus spernendos docuisti: dum laicis ministerium eorum super sacer-

*Hiltebrando
de tyrannia
in ordinem
Ecclesiasticum
enon.*

in Casareis

*Gradus ad
salutem Pa-
pale.*

*Imperatorē
à solo Deo in
dicari de-
bere.*

*Nihilēram-
d' cedere so-
lus iussit.*

dotes vsurpasti, vt ipsi deponant vel condemnent, qui ipsos de manu Domini per impositionem manuum Episcoporum docendos acceperant. Me quoque licet indignus inter Christianos sum ad regnum vocatus, te teste, quem sanctorum patrum traditio soli Deo iudicandum docuit, nec pro aliquo crimine, nisi à fide (quod absit) exorbitauerim, deponendum asseruit: cū etiam Iulianum Apostatā prudentia sanctorum Episcoporum non sibi, sed soli Deo deponendum commiserit. Ipse verò quid verus Papa beatus Petrus clamat? Deum time, regem honorificate. Tu, inquam, quia Deum nō times, me constitutum eius inhonoras. Vnde beatus Paulus, vbi angelo de cælo alia si prædicauerit non pepercit, te quoq; in terris alia docentem non excepit. Ait enim: si quid uelego vel angelus è cælo præter id, quod euangelizauimus, vobis euangelizauerit, anathema sit. Tu igitur hoc anathemate, & omnium Episcoporum nostrorum iudicio damnatus, descende, vendicatam tibi sedem Apostolicā relinque, alius in solium beati Petri ascendat, qui nulla violentia religionem palliet, sed beati Petri sanam doctrinā doceat. Ego Henricus Rex Dei gratia cum omnibus Episcopis nostris tibi dicimus descende, descende.

HENRICVS IMP. ROMANO

Pontifici Paschali.

*Nicolaus II
& Alexandrum II. di-
cit.*

*Pontifices
Rom. rube-
bellorum.*

*Henrici filij
ingratus et
rebellis.*

SI illa inter nos pax esset & concordia, quæ inter nostros olim & tuos fuit antecessores, quæ inter nos etiā & Nicolaum & Alexandrum, viros catholicos & religiosos Romanos pontifices, plena charitate & integra deuotione viguit, mandarem tibi quicquid filius patri: sed distulimus expectantes, & recognoscere desiderantes, si in beneplacito Dei sit, nobis in charitate & amicabiliter posse conuenire, & Ecclesiam suā nostris temporibus, nostro labore ipso cooperante in statum redire vnitatis pristinæ. Hoc quanquam dudum, Deo teste, desiderauimus, tamen cognita nimia eorum austeritate, qui in Romana erant Ecclesia, non vtile nobis visum est, vel cōpetens, eos de hac causa conuenire: quia magis videbantur nos prosequi odio & indignatione, quàm zelo iusticiæ, vel etiam, quàm velle nos amplecti dulcedine charitatis ad profectum Ecclesiæ. Effectus hoc probat: quia cū ipsi regnum hæreditario iure nobis collatum tempore religiosorum virorum Romanorum pontificum pacificè à nobis diu possessum contra nos commouere studerēt & armare, multa inde orta est strages populorum, tam corporum quàm etiam, quod magis dolendum est, animarum. Nunc quoq; filius noster, quem tam vehementer dileximus, vt vsque ad solium regni nostri exaltaremus, eodē veneno infectus, consilio quorundam perfidissimorum & periuratorum sibi adhærentium, insurgit in nos; postpositis omnibus Sacramentis, quibus se nobis obligauerat: posthabita omni fide & iusticia, tantū vt Ecclesiarum bona & regni liberè valeant perdere, rapere & inter se diuidere. Et cū multi

multi nobis persuadeant, absque dilatione in eos vi & armis esse vltiscendum, maluimus tamen adhuc differre, vt tam in Italico quàm in Teutonico regno sciatur manifestè, quòd nec nostræ sit voluntatis, nec culpæ, si tandem inuiti & coacti in eos insurrexerimus, quæcunque mala vel infortunia vel populorum strages inde euenerint. Præterea quia audiuius, te hominem discretum, Deum timentem, charitati insudantem, sanguinem hominum non sitire, rapinis & incendiis non gaudere, vnitatem Ecclesiæ super omnia diligere, consilio & suggestione principum nostrorū mittimus tibi nuncium istum cum legatione nostra. Per hanc quippe volumus cognoscere, si est tibi voluntati, te nobis in charitate & amicabiliter, & nos vniri tibi, saluo nobis honore regni & imperij & totius nostræ dignitatis, sicut & auus & pater noster aliiq̃ue antecessores nostri habuerunt, seruato etiam tibi à nobis honore Apostolicæ dignitatis, sicut antecessores nostri, tuis antecessorib. seruauerunt, & nos præfatis pontificibus. Quod si placuerit tibi, paternè nobiscum agere, & eam, quam mundus dare non potest, pacem integrè nobiscum componere, mitte nobis familiær nuncium tuum, cum priuatis literis tuis & secreta legatione, cum hoc nuncio nostro, vt hoc modo indubitanter possimus cognoscere omnem de hac recertitudinem voluntatis tuæ. Qua cognita, mittemus tibi de maioribus principibus nostris, quales & nos tibi mittere, & te deceat à nobis recipere, ad tantam rē componendam, per quos exclusa omni ambiguitate manifestè possis cognoscere, nos veraciter velle complere, quæ tibi mandamus secretè. Præterea quæ hîc inscripta non sunt, commisimus huic fidelissimo nostro nuncio, quædam tibi dicenda, quibus tam veraciter quàm scriptis credas.

*Conditiones
quibus Cæsar componi
cupiat.*

EPISTOLA HENRICI REGIS AD
Hiltebrandum.

CVM hætenus à te ea, quæ sunt patris, expectarè, tibiq̃ in omnibus magna fideiū nostrorū indignatione obcedirè, recepi à te vicissitudinè, qualè oportebat ab eo, qui vitæ regniq̃ nostri perniciosissimus hostis esset. Nā cum primū omnē hæreditariā dignitatem, quæ mihi ab illa sede Apostolica debebatur, superbo ausu rapuisses, longius inde progrediens, regnum Italiæ pessimis artibus alienare tentasti: neq̃ hoc contentus, in reuerendissimos Episcopos, qui nobis velut dulcissima membra vniti sunt, manum mittere non timuisti, eosq̃ superbissimis iniuriis acerbissimisq̃ contumeliis contra diuina & humana iura, vt ipsi aiunt, exagitasti: Quæ omnia cum ego quadā patientia dissimularem, tu hoc non patientiam sed ignauiam existimans, in ipsum caput insurgere ausus es, mandās quæ nosti, scilicet, vt tuis verbis vtar, quod aut tu morereres, aut mihi animamq̃ regnumq̃ tollereres.

*illi originem
exaguit.*

*Hiltebrandus in Cæs.
inscripta.*

Mona.

HENRICVS REX REGI CELTARVM.

PRINCEPS clarissime, & omnium in quibus post Deum speramus fidelissime: primum & præcipuum inter omnes vos excepi, cui

côqueri & deplorare omnes calamitates meas & miseras necessarium duxi, & etiam genibus vestris aduolui, si licet salua maiestate imperij. Primum quidē est, quod non solū vobis, sed totius Christianæ professionis hominibus grauissimum ac intolerabile arbitramur, quod de Apostolica sede, vnde vsq; ad memoriam nostri temporis salutifer fructus consolationis, dulcedinis & saluationis animarum oriebatur, modò persecutionis, excommunicationis & omne perditionis flagellum emittitur: nec ponunt vllum modum sententiæ, tantum vt satisfiat voluntati indiscretæ. Huius voluntatis suæ intemperantia ad eò vsque nunc abusi sunt, vt nec Deum, nec quid aut quantum mali inde proueniat pensantes, per se & per suos omnibus modis in nos inuehantur, cum obedientiam & omnem subiectionem debitam sæpe obtulerim Apostolicæ sedi: si tamē honor debitus & reuerētia, sicut antecessoribus meis, exhiberetur & mihi. Quid autem intendant, opportuniū significabo vobis, si quando optati colloquij copiam Deus dederit nobis. In hac igitur persecutionis & odij sui inflammatione, cum parum viderent se proficere, contra ipsum ius naturæ laborātes, quod sine maximo cordis dolore, sine multis lacrymis dicere non valeo, & quia dicitur, vehementer contremisco, filium meum, Absolon inquam dilectissimum, non solū contra me armauerunt, sed etiam tanto furore animauerunt, vt in primis cōtra fidem & sacramentum, quod vt miles Domino iurauerat, regnum meum inuaderet, Episcopos & Abbates meos deponeret, inimicos & persecutores meos sustineret: ad vltimum, quod maximè vellem taceri, aut si taceri non potest, vellem non credi, omnem affectum naturæ abiiciens, in salutem & animam meam intenderet, nec quicquam pensi haberet, quomodo vi & fraude ad hanc periculi & ignominie suæ summā aspiraret. In hac tāta mali sui machinatione, cum essem in pace & in aliqua salutis meæ securitate, in locum, qui Confluentia dicitur, in ipsis dominici aduentus sanctissimis diebus ad colloquium euocauit me, quasi de communī salute & honore filius tractaturus cum patre. Quem cum vidi, illico ex paterno affectu tactus, intrinsecus dolore cordis mei ad pedes suos procidi, admonens & obtestans per fidem, per salutem animæ, si pro peccatis meis flagellandus eram à Deo, de me ipse nullam cōquireret maculam honori & nomini suo, quia culpæ patris vindicem filiū esse nulla diuinæ legis constituit sanctio. At ille tam pulchrè, imò miserrimè institutus ad malitiam, quasi abominabile & execrabile scelus cœpit detestari. Et procidens ipse ad pedes meos, de præteritis cœpit veniam deprecari: In reliquum vt miles Domino, vt patri filius, cum fide & veritate per omnia se mihi obauditurum promisit cum lacrymis, si modò sedi Apostolicæ vellē reconciliari. Quod cum promissimè annuissem, & deliberationi suæ & consilio principum hoc tantum mancipandum promississem, in præsentī natiuitate se producturum me Moguntiam, & ibi de honore & reconciliatione mea, quàm

fidelius

Ardes Romanæ lerna malarum.

*Cæseris a-
quis. postu-
latis.*

*Henricum V.
aliter Absol-
on.*

Confluentia.

*inquit
paterna.*

*Subdolum in-
stitutum.*

fidelius posset acturum, & inde in pacem & securitatem me reducendum, promisit in ea veritate & fide, qua patrem à filio honorari & filium à patre præcipit Deus diligere. Hac promissione, quæ & gentili obseruanda est, securus ibam, & filius meus aliquantulum me præcesserat. Et ecce quidam fideles verissimè me deceptum affirmabant & prodictum sub falsa pacis & fidei sponsione. Reuocatus autem filius meus, & iterum à me instantissimè admonitus, sub eiusdem fidei & sacramenti obtestatione, animam suam pro anima mea fore promisit secunda vice. Cùm ergo ad locum, qui Binga vocatur, peruenissem, iam existente die Veneris ante natiuitatem, numerus armatorum suorum iam satis augebatur, iam fraus ipsa de se detegebatur, & filius ad me, Pater, inquit, nobis secedendum est in vicinum castellum: quia Moguntinus Episcopus in suam ciuitatem non admittet vos, quàm diu in banno eritis. Nec vos in pacatum & irreconciliatum audeo ingerere inimicis vestris. Illic natiuitatem cum honore & pace agatis, quoscunque placuerit vobis, vobiscum habeatis: ego interim quanto instantius, quanto fidelius poterò, pro nobis utrisque laborabo, quia causam vestram meam existimo esse. At ego, mihi inquam fili, iudex & testis sermonum & fidei sit inter nos hodie DEVS, quomodo te in virum & hæredem meum produxerim, quantis tribulationibus meis honori tuo inferuierim, quot & quantas inimicitias pro te habuerim & habeam, solus conscius es. Ille autem tertio sub eiusdem fidei & sacramenti attestatione, si ingrueret occasio periculi, caput suum pro meo capite fore mihi promisit. Sic postquam clausit me in eodem castello, quo omnia animo & corde fuerit locutus, manifestè rei ostendit euentus. Ex omnibus meis quartus ego sum inclusus, nec quilibet alius admitti potuit, custodes deputati, qui vitæ meæ erant atroces inimici. Benedictus per omnia Deus exaltandi & humiliandi, quæ voluerit rex potentissimus. Cùm ergo ipso sacratissimo die natiuitatis suæ omnibus redemptis suis ille sanctus sanctorum puer fuisset natus, mihi soli filius ille non est datus. Nam ut taceam opprobria, iniurias, minas, gladios in ceruicem meam exertos, nisi omnia imperata facerem, præterea famem & sitim, quam perferebam ab illis, quos iniuria erat videre & audire, ut etiam taceam, quod est grauius, me olim satis felicem fuisse, illud nunquam obliuiscar, illud nunquam desinam omnibus Christianis conqueri, quòd illis sanctissimis diebus, sine omni Christiana communionem in carcere illo fui. In illis pœnitentiæ & tribulationis meæ diebus à filio meo missus venit ad me quidam princeps Wigbertus, dicens: nullum vitæ meæ esse consilium, nisi sine vlla contradictione omnia regni insignia redderem ex voluntate & imperio principum. At ego etsi omnis terra, quantum inhabitatur, mei regni terminus esset, nollem regno vitam commutare: quia vellem

Binga.

O scelera
in filio per
fidiam.Henricus III.
captiuitas.Crimelia
& iniuria
illata.Vigbertus
consiliarius.

nollem sic agendum, & sicut definitum intelligebam, coronam, sceptrum, crucem, lanceam, gladium nisi Moguntiam. Tunc communicato consilio cum inimicis meis meus filius egrediens, relictis ibidem fidelibus & amicis meis, quasi me eò adducturus, sub multa frequentia armatorum suorum me abductum ad villam, quæ dicitur Engilzaim, fecit me ad se adduci, ubi maximam inimicorum meorum multitudinem collectam inueni, nec ipsum filium cæteris mihi meliorem reperi: Et quia firmiter & stabiliter videbatur eis esse, si propria manu cogerent in regnum & omnia regalia exfestucare, simili modo & ipsi omnes minabatur mihi, nisi omnia imperata facerem, nullum vitæ meæ consiliū fieri posse. Tunc ego inquam: quia de sola vitæ mea agitur, qua nihil preciosius habeo, ut saltem viuens pœnitentiam exhibeam Deo, quicquid imperatis faciam. Cumque inquirerem, si saltem sic de vitæ mea certus essem, Apostolicæ sedis legatus, qui ibidem aderat (non dico qui omnia hæc audiuerat) respondit, me nullo modo eripi posse, nisi publicè confiterer, me iniuste Hiltebrandum persecutum esse: Wigbertum ei iniuste supposuisse, & iniustam persecutionem in Apostolicam sedem & omnem Ecclesiam hæcenus exercuisse. Tunc cum magna cōtritione animi prostratus cœpi per Deum, per ipsam conscientiam orare, ut locus & tempus mihi daretur, ubi in præsentia omnium principum, cum innocēs essem, vellem ex iudicio omnium me expurgare, & in quo culpabilem me recognoscerent, ex consilio omnium sanioris sententiæ pœnitentiam & satisfactionem, quo ordine iuberent, quærere, & in principibus regni de fidelibus nostris, quoscunque, obsides vellent, dare. At idem legatus locum & diem mihi abnegavit, dicens: aut tibi totum debere determinari, aut nulla spes mihi esset euadendi. In tanto tribulationis articulo, cum interrogarem, si confiterer omnia, quæ imperabantur, an confessio mea, ut iustum est, veniam & absolutionem consequeretur: Ibi legatus dixit, nō esse iuris sui me absolueret: Si vellem, inquit, absolui, Romam irem satisfacere Apostolicæ sedi. Sic desolatum & spoliatum (nam & castella & patrimonia, & quicquid in regno conquiesceram, eadem vi & arte sua extorserant à me) in eadem villa reliquerunt me. In qua cum aliquo tempore commoratus essem, & filius meus ex eodem fraudis suæ consilio demandasset, ut ibidem eum expectarem, superueniens quorundam fidelium meorum legatio præmonuit, ut siquidem ad monitum ibidem remanerem, fore aut in perpetuam raperer captiuitatem, aut in eodem decollarer. Quo nuncio satis tunc vitæ meæ diffusus, illico aufugiens, fugiendo Coloniam veni, & ibi aliquot diebus commoratus, postea Leodium veni. In quibus locis fideles viros & in fide regni constantes semper inueni. Horum cæterorumque regni fidelium cōsilio vsus, vobis fiducialius & honestius habeo deplorare has omnes meas misérias. Fiducialius quidem propter mutua cōsanguinitatis & antiquæ amicitie debitum: honestius autem propter tanti regni nomen

Engilzaim.

*Hinc III.
cogitur se
abdicare
imperio.*

*Exagitatur
a legato Pa-
pæ*

*Exagitatur
a legato
fortuna.*

*Præmonit
infidelium
profugus.*

men gloriosum. Vos igitur per fidem, per amicitiam rogo, in tantis tribulationibus meis ac iniuriis propinquo & amico consulatis. Quæ fidei & amicitiae vincula etsi inter nos non essent, vestra tamen & omnium regum terræ interesset, iniuriam & contemptum meum vindicare, & tam nefariæ prodicionis & malitiæ exemplum de superficie terræ extirpare.

Obsequium.

HENRICVS DEI GRATIA ROMANORVM

Imp. Augustus, Henrico filio suo.

SI ea nos debita affectione tractasses, qua deberes, lubētissimè tecum loqueremur, & paterna tibi mandaremus: verùm quia longè alius quàm paternæ affectionis & humanitatis circa nos animus tibi fuit, nequimus aliter tecum loqui, quàm quod ipsa rei manifestissimæ veritas habet. Tu enim ipse scis, sicut ipse publico experimento facti tibi conscius es, qualiter data fide & securitate personæ & honoris nostri, omni affectione deuotionis promissisti, nos ducere Moguntiam coram principibus, & inde nos securissimè reducere quocūq; vellemus. Hac fiducia cū tecum amanter & indubitanter ascenderemus, contra datam fidem apud Bingam nos cepisti: vbi nec paternæ lacrymæ, nec patris mœror, nec tristitia, qua ad pedes tuos aliorumq; aduoluebamur, te commouit ad misericordiam, quin nos caperes, & captum mortali-
bus inimicis illudendum & custodiendum traderes, vbi multimodo genere contumeliæ & terroris afflictī, compulsi sumus ferme venire vsq; ad ipsum mortis articulum. Ante captiuitatem abstulisti nobis Episcopatus, & quicquid de honore regni potuisti, & prædia nostra, & ipsam familiam: in captiuitate verò quicquid residuū erat, vt lanceam & crucem & omnia regalia insignia vi & timore mortis, vt ipse bene scis, & omni ferme notum est Christianitati, à nobis extorsisti, relicta vix ipsa vita. Cū hoc tibi de nobis non sufficeret, postea semper vbi-
cūq; fuimus, modis omnibus, quibus potuisti, nos persequi nō cessasti, vt vel perderes vel de regno expelleres. Verū nos satis mirari nō possumus, qua ratione vel occasione tam obstinatè facias, cū de Domino Papa & Romana Ecclesia nulla tibi residua sit occasio. Nos enim nūcio domini Papæ & Romanæ Ecclesiæ te præsentē parati fuimus & sumus obœdīre, & omnem debitam obœdientiam & reuerentiam ei coram & semper exhibere, & consilio principum & spiritualis patris nostri, Henrici Cluniacensis Abbatis, aliorumq; religiosorum virorum de statu Ecclesiæ & honore regni libentissimè agere. Te ergo rogamus pro honore regni & tuæ & paternæ deuotione, & per auctoritatem Romani Pontificis & Romanæ Ecclesiæ, vt de iniuria nobis illata, & de his, quæ nobis vi & iniuste abstulisti, iusticiam facias. Rogamus etiā, vt cū nil rationis tibi sit, quare nos prosequaris, nos & fideles nostros cesses infestare, imò permittas nos pacificè & quietè viuere, vt integrè & cū tranquillitate possimus omnia supradicta age-

Exordium
ab excusa-
tione.Henricus F.
perfidus &
in patrem
impetator.Henricus
Abbas Clu-
niac.
Petitus a-
quisitum.

re. Recognoſce etiam, & tecum cogita quia Deus iuſtus iudex eſt, cui commilimus cauſam noſtram & vindictam: cuius etiam iudicia ſunt occulta, velut abyſſus multa. Quoniã quantumcunq; ſuper afflictione & infortunia glorieris, & ſuper humilitate te extollas, forſitan de ſede ſancta ſua inter me & te gratuita miſericordia aliud iã definiuit, *appellatio.* intercedente iuſticia, quàm tu ipſe cogites & diſponas. Quod ſi nulla alia vel reuerentia vel interceſſio nobis valet, opto vt iuſticiam conſequi poſſimus, vel vt tuæ perſecutionis impetus ceſſet. Ad hoc idẽ Romanũ Pontificem, & ſanctã vniuerſalẽ Romanã Eccleſiã appellamus.

HENRICVS DEI GRATIA ROM. IMP. AVG.

Archiepiſcopis, & ceteris Saxonia principibus, ac etiam reliquo populo, gratiam & dilectionẽ dignantibus eam recipere.

Henric. III. de ſuaris ſibi illatis querela.

CONQVERIMVR Deo omnipotẽti, & dominæ meæ ſanctæ Mariæ, & beato Petro, principi Apoſtolorũ, patrono noſtro, & vobis principibus omnibus, quia iniuſte & inhumanẽ & crudeliter in illa cõſiſi fide, qua dubitare non debuimus, tractati ſumus, & tam honore regni quàm prædiis omnibus, quæ habebamus contra diuinũ & humanum ius, ad infamiã & vituperiũ regni, ita expoliati ſumus, vt nihil penitus præter vitã nobis relictũ ſit. Vbi cùm ferme omnes eſſetis, magna pars veſtrũ viſa eſt dolore contriſtari: ſed proh dolor, nihil nobis cõtulit veſtra triſtitia, quin in nobis ſibi ſatisfaceret voluntas inimicorũ odioſa. Et quia conſilio & rogatu filij noſtri, fide & ſecuritate vitæ & honoris primũ ab eo accepta, ſiducialiter & deſideranter Moguntia in præſentiã Legati Romani & principũ tenderamus, vt eorum diſpoſitione ageremus tam de ſtatu Eccleſiæ & honore regni, quàm de ſalute animæ noſtræ, ipſe nõ eſt veritus in hac voluntate & obœdientia nos contra datã fidẽ capere, & vſq; ad articulũ mortis ferme ducere: non auſi ſumus ita nos illi credere, vt iniuria & contumeliis nos pro voluntate ſua, ſicut prius, valeat tractare. Quapropter multũ vos rogamus, & obnixè precamur, vt pro timore Dei & honore regni, & honeſtate veſtra, dignemini ſtudere, quomodo de iniuria, in manibus veſtris nobis illata, per vos poſſimus recuperare iuſticiam. Nos autẽ pro cõſilio veſtro & aliorũ, qui nos odio non habent, religioſorũ virorũ parati ſumus, tam filio noſtro, ſi in aliquo eũ offēdimus, quàm alicui in regno libenter rationẽ dare. Præterea ſicut domino Papæ in præſentia legati ſui & veſtra obœdite parati fuimus, ita nũc parati ſumus ei omnẽ debitã reuerentiã & obœdientiã ſincero corde & deuotione præſentialiter exhibere, & tã conſilio veſtro quàm ſpiritualis patris noſtri, Henrici Cluniacenſis Abbatis, aliorumq; religioſorũ de ſtatu Eccleſiæ & honore regni quantũ in nobis eſt diſponere. Cùm ergo ad hæc omnia parati ſimus, rogamus vos & obnixè precamur, quatenus pro Deo & honore regni & veſtro inſtãter moneatis filiũ noſtrũ, cùm nulla ei ſecundũ præfatã ſententiã aduerſum nos reſidua ſit occaſio, à modo deſiſtat nos & fideles noſtros perſequi, & paciſicè & quietè viuere permittat,

Peſitis ad ordines Saxonia.

Memoriam Cluniac.

mittat, vt suprà dicta integrè & cū trāquillitate perficiantur. Quod si noluerit, rogamus vos per auctoritatē Rom. Ecclesiæ, cui nos cōmittimus & honorē regni, ne super nos & fideles nostros veniatis, q̃a mani festū est, non eū diuinæ legis zelo, vel Romanę Ecclesię dilectione, sed cōcupiscentia regni, patre iniuste eo priuato, hoc incepisse. Apud quē si interpellatio vestra nullaq; alia interuēctio ad p̃sens p̃desse poterit, appellamus Rom. Pontificē, & sanctā vniuersalē Ro. sedē & Ecclesiā.

Appellatio.

HENRICVS DEI GRATIA IMP. ROM. AVG.

Archiepiscopis, Episcopis, Ducibus, Comitibus, ceterisq; regni principibus, gratiam & dilectionem dñgantibus eam recipere.

ROGAMVS filiū nostrum, & vos multū precati sumus, vt dimisso exercitu ordinaretur, quomodo possemus cōuenire, vt de iniuria nostra & pace componenda ad honorē regni possit dignē & decēter desiniri. Placuit vobis remādere, vnde nobis longē grauior priori oritur querimonia, quōd dimissa obsidione Colonix vultis super nos & fideles nostros sub specie colloqui cū exercitu venire, datis induciis octo dierū, quæ nunquā datę sunt homini alicuius conditionis, vt bene scitis, vsq; ad hanc diē pro legitima definitione alicuius minoris negotij, ne dū pro tāta re, secundū legē diuinā vel humanam, vel etiā secundū vsū hominum. Oportet enim nos habere, si vobis placeret, saltē tales inducias, intra quas possumus conuocare, & precibus inuitare, ad hanc eandē causam, Moguntinū, Treuirensē & Bremensē, Archiepiscopos; Frisingensē, Augustensē, Curiensē, Basiliensē, Episcopos; Ducē Magnū cum Duce Theodorico, & Ducē Bohemicū & Comitē Flandrensē cū Comite Burgundiz, & aliis qui ad p̃fatum negotiū, vt bene scitis, sunt valde necessarij. Quapropter sicut prius rogauimus & obnixē precamur, quatenus pro Deo & anima vestra & pro appellatione Domini Rom. Pontificis Paschalis & Rom. Ecclesiæ, & pro honore regni, dignemini apud filiū nostrū efficere, vt dimisso exercitu cesset nos persequi, & ordinetur, quomodo securē & absq; ambiguitate possumus nos cū cæteris supradictis ad agendū de nostra iniuria & pace in regno componēda, quietē & pacificē cōuenire. Quod si nullatenus cessare voluerit, p̃clamationē inde fecimus, & semper facimus Deo & sanctę Marię, & beato Petro, patrono nostro, & omnibus sanctis, & omnib. Christianis, & vobis maximē, omni deuotione precātes, vt dignemini cessare eū persequi ad p̃secutionē tantę iniurię, & vos eū imitari. Appellauimus, & tertio appellamus Dominū Rō. pontificē Paschalē, & sanctā vniuersalē sedē & Rō. Ecclesiā. Quod si hoc tātū nobis, & ad hoc, vt ipse cesset nos p̃sequi, prodesse nō poterit, cōmittemus nos omnipotēti Patri & Filio, sanctoq; Spiritui paraclito, & beatę Marię perpetuę virginī, & beato Petro & Paulo & sancto Lāberto omnibusq; sanctis, vt diuina miseratio, omniūq; sanctorū intercessio humilitatē nostrā respicere, nosq; cōtra tantū tāq; iniuriosum Imperiū defendere dignetur. Amen.

Vult absque armis componi.

Colloquiū ex induciarū p̃sulatione insignit.

Obressare.

Appellatio.

FINIS.

d ij

VITA ET GESTA HILTE-
BRANDI, QVI ROMANVS PONTIFEX FA-
CTVS, GREGORIVS SEPTIMVS DICTVS EST,
descripta per Bennonem Cardinalem, Archipresbyterum
Ecclesie Romana, qui eo tempore vixit.

REVERENDISSIMAE MATRI SANCTAE ROMANAE ECCLE-
siae, deuotus filius eius & humilis seruus, Benno, Cardinalium
Archipresbyter.

Auctor in-
fluentum.



Hiltebrand.

A quibus &
aut desertum
ut damnatum.

Circumfer-
bit ante Epi-
scopos & cle-
ricos.

Donatus &
scripsit
contra Ca-
nones.

VM de omnibus Romanæ Ecclesiæ Cardinalibus ferè solus Eusebius Liberium Papam declarauerit hereticum, & clerici Romanæ Ecclesiæ Anastasium secundum, duas Ecclesias excommunicatis communicatio facientem damnauerint, non absurdum existimaui, maiorum nostrorum nomina atq; dignitates memoriarum commendare, qui Hiltebrandum reliquerunt, cuius intolerabiles & grauissimos errores publicè detestati, nunquã ad eum reuerſi sunt. Diuersas etiã scholas Romanæ Ecclesiæ litteris adnotauimus, quæ ab eius cõmunionem recesserunt. Leo tunc temporis archipresbyter Cardinalium, & Benno & Vgobaldus, & Ioannes Cardinalis, & Petrus Cancellarius & Cardinalis, ordinati ante tempora Hiltebrandi: Natto, Innocentius, Leo, hi tres ab eo consecrati, deseruerunt eum, errores eius execrati: Similiter Theodinus Archidiaconus, quem ipse constituit Archidiaconum, & alij Cardinales diaconi: Ioannes, modò Archidiaconus, & Crescentius, Ioannes, primicerius scholæ cantorum, cum omnibus suis: Petrus oblationarius cum omnibus suis, excepto vno: Poppo, prior scholæ regionariæ cum omnibus suis subdiaconis: Archiacolythus & Subpulmentarius cum suis: Centius, iudicum primicerius cum aliis iudicibus, & cuncti milites signa banda gestantes: prior scriniariorum cum plerisque suis. Ipsi etiam Episcopi cum iam vellent eum deferere, Hiltebrandus conuocatis ad se laicis, eis consilium suum aperuit, & quod Episcopos à colloquio Cardinalium vellet separare, indicauit. Post hæc ipsos Episcopos conuocauit, & turbis laicorum stipatus, sacramentum ab ipsis Episcopis cum terrore & minis exegit & extorsit, & in manu sua iurare coëgit, ne vnquã ab eo dissentiret, nunquam regis causam defenderent, nunquã superordinato sibi Papæ fauerent, vel obœdient. Quo facto, eos per Principem Salernitanum in Campaniam misit: & sic eos à consortio Cardinalium & à Romana vrbe separauit. Nec solùm Episcopos, sed etiam Vrbis presbyteros & inferioris ordinis clericos, insuper & laicos iuramentis allegauit, ne vlla ratione, vllò tempore, condescenderet in causâ regis. Alexandro Papâ iuxta vespertinam horam defuncto, eadem die contra Canones à laicis electus est. Sed Cardinales nõ subscripserunt in electione eius: & sub anathemate enim Canones præcipiunt, neminem

nem eligi in sedem Romani Pontificis ante diem tertium post sepul-
turam ipsius prædecessoris. Postquam aliunde ascendit, à consilio re-
mouit Cardinales sacræ sedis.

Cum quibus personis consilia sua diebus ac noctibus habuit, Ro-
ma vidit & audiuit.

Eiectis à consilio & à custodia eius Cardinalibus, vita eius & fides
& doctrina sine testibus fuit: cum sacri canones præcipiāt, vt in omni
loco tres Cardinales presbyteri & duo diaconi Papam non deserant,
propter testimonium ecclesiasticum, & propter stylum veritatis.

*Expellit à se
Cardinales.*

Scripturas sacras violenter intorsit in adiutorium falsitatis: quod
genus idololatriæ quantum sit, latè patet in scripturæ sacræ campis
spaciosis.

*Scripturæ
violenter
detorquet.*

Præter voluntatem & consilium Cardinalium extra ordinem iu-
dicandi, sacris canonibus determinatum, Imperatorem in nulla Syno-
do Canonice accusatum, præcipitanter excommunicauit, in qua ex-
communicatione nullus Cardinalium subscripsit.

*Cæsare rudi
ita causa
damnat.*

Vt primùm ad excommunicandum Cæsarem de sede surrexit, se-
des ipsa nouiter lignis fortissimis composita, subito Dei nutu terribi-
liter scissa est in plures partes: Vt manifestè daretur intelligi; quanta
fessor ille tam periculosa excommunicatione, & præsumptione, quàm-
que terribilia schismata seminare contra Ecclesiam Christi, contra
sedem beati Petri, quàm crudeliter dissiparet cathedram Christi, con-
culcando leges Ecclesiæ, imperando cum potentia & austeritate.

Prodigium.

In descriptione eiusdem excommunicationis ea interfecit, in qui-
bus manifestè à fide Catholica errauit, cum iniuste excommunica-
tum Imperatorem, & Episcopos comunicantes ei, excepit ab excom-
municatione tertio gradu comunicantes eis, & vnitatem Ecclesiæ
scindens, quantum in ipso fuit, duas Ecclesias fecit.

*Dura in-
quisitio.*

Idem præsumptor ieiunium indixit Cardinalibus, vt Deus osten-
deret, quis rectius sentiret de corpore Domini, Romana ne Ecclesia,
an Beringarius: per hoc manifestè probatus infidelis, cum in Niceno
consilio scriptum sit, quia dubius in fide, infidelis est.

*Hiltebrandi
ieiunium de
doctrina Be-
rengary.*

Et de corpore domini signum quæsiuit, quod petente Beato Gre-
gorio ad firmandam mulieris fidem contigit, quando panis Christi
formam accepit digiti. Et misit duos Cardinales, Othonem & Cuno-
nem, ad sanctam Anastasiam, vt cum Suppone, eiusdem Ecclesiæ Ar-
chipresbytero, triduanum ieiunium peragerent, & illis tribus diebus
singuli per dies singulos psalterium & missas decantarent, vt supra di-
ctum signum eis Christus ostenderet: quod minimè contigit.

*Prodigium
de eodẽ eu-
peritum.*

Imperator solitus erat frequenter ire ad orationem ad Ecclesiam
sanctæ Mariæ, quæ est in monte Auentino. Hiltebrandus autem cum
per exploratores suos omnia eius opera sollicitè inquireret, locum in
quo frequentius Imperator vel stans, vel prostratus orabat, notari fe-
cit: & quendam promissa pecunia ad hoc induxit, vt supra trabes Ec-

*Infidia Ca-
sary fracta.*

clesiæ occultè lapides magnos collocaret, & ita aptaret, vt de alto super caput orantis Imperatoris dmitteret, & ipsum contereret. Quod minister tanti sceleris cum festinaret implere, & lapidem magni ponderis super trabes aptare vellet, lapis pondere suo eum traxit, & fracta sub trabibus tabula, & lapis & ille miser homo Dei iudicio in pavementum Ecclesiæ cecidit, & eodem lapide contritus penitus est. Huius rei gestæ ordinem postquam Romani cognouerunt, pedem illius miseri fune ligauerunt, & triduo per plateas vrbs ad exemplum trahi fecerunt. Imperator autem solita clementia iussit eum sepeliri.

*Diuinationes
vni à pane
mysterio.*

Ioannes Portuensis Episcopus, qui intimus fuerat & à secretis Hiltebrandi, ascendit in ambonem beati Petri, & inter multa, audiente clero & populo, ait: Tale quid fecit Hiltebrandus & nos, vnde deberemus viui incendi: significans de sacramēto corporis Domini, quod Hiltebrandus, responsa diuina quærens contra Imperatorem, fertur iniicisse igni, contradicentibus Cardinalibus, qui assistebant ei.

*Falsum de
Cesare Gu-
sticium.*

In Palcha Domini feria secunda, cum ad Ecclesiam sancti Petri admissam clerus & populus conuenisset, post Euangelium in ambonem ascendit, sicut erat indutus Pontificalibus indumentis. Et in præsentia Episcoporum & Cardinalium, in frequentia cleri & senatus & populi Romani, publicè clamauit inter multa suæ diuinationis verba: Regem Henricum vsque ad proximum sancti Petri festum sine dubio moriturum, aut à regno penitus deiiciendum, in tantum, vt vltius non posset congregare quàm sex milites. Prædicauit etiam Episcopis & Cardinalibus & omnibus qui aderant, de ambone clamans: Nullo modo habete me pro Papa vltius, sed ab altari me auellite, si vsque ad prædictum festum prophetia hæc effectum non habuerit.

Oratio.

*Quia in his
per insidias,
& inde Gu-
sticium Gu-
sticium de-
ceit.*

Eisdem diebus parauit Imperatorem perdere per occultos proditores, Deus autem eum custodiuit. Et eodem tempore fuerunt nonnulli, qui existimauerunt, ipsum Hiltebrandum consciū extitisse, & ordinatorem proditiōis: quia eisdem diebus paulo ante proditiōem de morte regis falsò prophetata præsumsit. Quod verbum vehementer percussit corda multorum. Et palàm factum est, Hiltebrandum voce propria in conuentu Ecclesiæ esse damnatum, qui (vt dictum est) iudicauerat se nullo modo esse Papam, neque pro Papa vltius habendum, sed proditorem & mendacem esse credendum, nisi vsque ad proximum festum sancti Petri Imperator moreretur, aut omni honore spoliaretur, adeò vt ultra sex milites congregare non posset: & diuino nutu actum est, vt à seipso quoque damnaretur hæreticus. Sic enim ait Apostolicus: Dominus ipse inquit: Propheta, qui arrogancia deprauatus, voluerit loqui in nomine meo, quæ ego nò præcepi, vt diceret, aut ex nomine aliorum deorum, interficietur. Quod si tibi tacita cogitatione responderis: Quomodo possum intelligere verbum, quod Dominus nò est eloquutus? Hoc habebis signū, quod in nomine Domini propheta prædixerit, & non euenerit, hoc Domi-

nus non

nus non est locutus, sed per tumorem animi sui Propheta confinxit, & idcirco non timebis eum.

Tempore autem transacto, quod Hiltebrandus in diuinatione sua præfixit, Rege verò neq; mortuo, neq; militibus suis imminuto, timēs se suis verbis deprehensum, & ore proprio condemnatum, ad callida argumenta se conuertit, persuadens vulgo indocto, nō de corpore sed de anima Regis se prophetasse: quasi anima regis milites omnes præter sex perdidisset, vel illo spatio mortua esset. Et his verbis vulgus indoctū delusit. Contra huiusmodi prophetas beatus Gregorius super Ezechielem ait: Inter Prophetas veros & falsos ista est distantia, quia Prophetæ veri, si quid aliquando per suum spiritum dicunt, citius corrigunt: Prophetæ autem falsi, & falsa denunciant, & alieni à sancto Spiritu in sua falsitate perdurant.

*Insuper de
falso Sarcini
commentum.*

Tres homines non conuictos, non confessos, absq; secularibus iudicibus Hiltebrandus morti adiudicauit, & eos in patibulis iuxta Ecclesiæ sancti Petri, in loco qui dicitur Palatiolum, interfici suspensos coëgit, sine dilatione, sine discussione, contra leges, quæ præcipiunt etiam manifestos reos intra spacium & retractionē triginta dierū nō interfici. Quæ etiam apud paganos vigent & seruantur, sicut docet auctoritas B. Ambrosij, & passio sanctorum Marcelliani & Marci.

*Tyrannus
animo im-
potens.*

Centium, filium præfecti Stephani, prius fidelem suum, in carcerem misit, & in vase vndiq; aculeis vestito mille & mille mortibus cruciavit. Qui postquam euasit, ipsum Hiltebrandum cepit. De cuius captione antequā euaderet, omnibus, qui captionis illius cooperatores fuerant, hoc debitum publicè remisit, quod postea infideliter vindicauit, Centium, cui omnia remiserat, persequi cœpit, & nouē de hominibus Centij in patibulis suspendio interfecit ante portas sancti Petri.

*In Centium
insuria &
perfidia.*

Filius cuiusdam viduæ captioni eius interfuit, cui cum multis aliis pœnam & exiliū vnus anni indixit. Quo expleto, vidua ampliori satisfactione volens placare animum Hiltebrandi, funem immisit collo filij sui, & fune filium trahens, pariter cum filio ad pedes Hiltebrandi procidit, dicens: Domine Papa, de manu tua volo recipere filium meum, qui exiliū vnus anni, & pœnam à te iniunctam portauit. Adhuc Hiltebrandus in præfenti, propter eos qui aderant, iram dissimulans, filium ei reddidit, cum austeritate dicens: Vade vade scœmina, dimitte me in pace. Postea missis apparitoribus suis, filiū viduæ apprehendit, & iudicibus, ut eum morti damnarent, præcepit. Qui vno ore responderunt, se vltius non posse illum condemnare, qui ad iudicium Patris confugisset, & pœnitentiam & exilium vnus anni ab ipso Papa iniunctum iam impleuisset. Ad hæc gloriosus Hiltebrandus iudicibus iratus, præcepit abscindi pedem filio viduæ, quæ frustra apud Hiltebrandum existimauerat pœnitentiam & leges & iura valere. Et pede truncatus dolore illo post triduum mortuus est.

*Attraxit
in supplic.*

Multi quidem alia fecit Hiltebrandus, in quem clamat sanguis Eccl. *Flagitia.*

clesiæ, gladio linguæ eius miserabili proditione effusus, propter quæ à communione eius iustissimè Ecclesiæ recessit, sicut fecerunt maiores nostri temporibus apostatarum Liberij & Anastasij.

Vt Liberij festum celebraretur, iussit. Hoc præcepto eius hæresin firmavit, qui ex laudabilibus meritis damnabiles exitus habuit.

*Liber ma-
gicum.*

Die quodam cum de Albano Romam veniret, oblitus est secū ferre familiarem sibi librum necromanticæ artis, sine quo nusquam aut raro incedebat. Quod cum in itinere ei ad memoriam redisset, in introitu portæ Lateranensis festinanter vocavit duos de familiaribus suis assuetos & fidos ministros scelerum suorum, & ut eundem librum citissimè sibi afferrent, præcepit, & terribiliter interminatus est, ne librum in via aperire præsumerent, nec vlla curiositate secreta libri inuestigarent. Sed quanto amplius inhibuit, tanto vehementius eorum curiositatem ad inuestiganda eiusdem libri arcana accendit. Igitur dum in reditu librum referassent, & diabolicæ artis præcepta curiosè legerent, subito affuerunt angeli Satanæ, quorum multitudine & horrore duo illi iuvenes propè affecti amentes, vix ad se reuersi sunt. Et (ut ipsi retulerunt) maligni spiritus instabant, dicentes: Ad quid nos vocastis? quare fatigastis? citò præcipite, quod nos agere vultis, alioquin insurgemus in vos, si nos diutius tenueritis. Ad hoc alter iuuenum: Festinanter (inquit) muros illos deicite. Et hæc dicens, manu ostendit muros altos vicinos Romæ, quos in momento maligni spiritus deiecerunt. Et iuvenes sanctæ crucis signo se signantes, tanto terrore exterriti, tremantes & palpitantes vix Romam ad Dominum suum peruenerunt.

*Austrian
epistola.*

Venerandis Ecclesiæ Romanæ patribus & dilectis in Christo & semper diligendis fratribus, Benno, Cardinalis Romanæ Ecclesiæ, fidele seruitium & salutem, seruantibus Ecclesiæ Catholicæ communionem: De cuius communione & disciplina, vel potestate, frustra sibi applaudit, quisquis iniuste ex potestatis præsumptione quenquam ligauerit vel soluerit. Iniuste autem ligat, quisquis aliquè paratum satisfacere, & audientiam implorantem, neque conuictum neque sponte confessum anathematizat, imò seipsum frustra maledicendo, quasi proprio iaculo in se intorto, maledicit & condemnat. O noua proditio, procedens de sanctuario, imò de eo, qui ut summus sacerdos videbatur Ecclesiam regere, & senioribus iudicibus præesse.

*Iniusta ex-
communicatio
eius quæ.*

*Hiltebrandi
artes de Ep
scopo Simoniacis.*

Hiltebrandus instabat Imperatori, ut eiiceret Episcopos Simoniacos. Imperator credens, quasi ex zelo legis, quasi à throno Dei procederent hæc mandata, sine mora obædiebat, sine mora, sine discussione, sine iudiciario ordine Episcopos eiiciebat: dū per hanc obædientiam se Deo sacrificare existimabat, dum adhuc versutias Hiltebrandi minus intelligebat.

Hiltebrandus verò expulsos à rege Simoniacos relocabat, & quos regi infestos reddiderat, eos sibi familiari amicitia reconciliabat, & multis

multis & magnis iuramentis sibi fidos & obnoxios efficiens præ aliis exaltabat. Et modico tempore iis artibus regia domo perturbata, & penè amicis destituta, sibi verò amicitia maiorum principum comparata, ex improviso sine legitima accusatione, sine canonica vocatione, sine iudiciario ordine, obædientem sibi Imperatorem excommunicauit, & regni principes ab eo separauit. Et cùm Apostolus præcipiat, ne quis circumueniat in negotio fratrem suum, quantum in eo fuit, mortificauit potius quàm castigauit. Sic autem Imperator multimodò circumuentus, præter Canonicum ordinem excommunicatus, & consensu Hiltebrandi & cōsilio magna ex parte imperij honore expoliatus, & bellis & cēdibus immensis fidelium suorum prægrauatus, frustra Canonicam audientiam implorauit, & extortam confessionem inuitus ac coactus apud Canusium in præsentia Hiltebrandi protulit. Dicite quaeso qui iustitiam diligitis, qui ad dextram vel sinistram fauore alicuius personæ declinare non nostis, dicite quaeso, si cōfessio tanto tempore extorta cuilibet pauperi, nedum Cæsari, præiudicare debuisset? Si ex confessione extorta potius non extitit reus Canonum hic, qui extorsit, quàm qui peruersè iudicatus peruersoris iudicis iniuriam & violentiam patienter & publicè, & cum lachrymabili afflictione, nudis pedib. in laneis vestibus, hyeme præter solitum aspera, apud Canusium SPECTACVLVM ANGELORVM FACTVS ET HOMINVM, & Hiltebrandi ludibrium, triduò pertulit? Dicite quaeso, si quisquam sanctorum Pontificum quenquā plebeium, nisi aut spon te cōfessum, aut in synodo conuictum, nec in eadem prouincia, sed in longinquis terrarū partibus semotum, tam præcipiti iudicio damnare præsumsit? Si quis tam audacter abusus est potestate ligandi & soluendi? Equidem Ambrosius Theodosium ligauit, sed præsentē spon te cōfessum. Maximus, Salonitanus Episcopus, per plures annos extor prouinciam sui Episcopatus Romæ apud beatum Gregorium de Simoniaca hæresi, & diuersis adulteriis accusatus, vno tandem anno, deficientibus accusatoribus, sacramēto sola manu præstito, purgatus est, sicut in registro eiusdem beati Gregorij legitur. Et beatus Augustinus in lib. de pœnitentia: Satis (inquit) ostendit Apostolus, non temere & quomodolibet, sed per iudicium auferēdos esse malos ab Ecclesiæ communione, & si per iudicium auferri non possint, tolerentur potius, ne peruersè malos cuitādo, ab Ecclesia ipse discedēs, eos, quos fugere videtur, vinciat ad gehennam. Multi, inquit, corriguntur, vt Petrus: multi tolerantur, vt Iudas: multi nesciuntur, donec veniat Dominus, qui illuminat abscondita tenebrarum. Et quidam, inquit, metuentes præcepta seueritatis, quibus admonemur corripere inquietos, non dare sanctum canibus, Ethnicum habere Ecclesiæ contemptorem, à compage corporis membrum, quod scandalizat, euellere, ita perturbant Ecclesiæ pacem, vt conentur ante tempus separare zizania, atque hoc errore cæcati, ipsi potius à Christi veritate separantur.

*Anathema
inquisi-
tum.*

*Cæsari an-
gustia, & in
de petita ex
pato.*

*In confes-
sionem & ana-
thema ille-
guinum.*

*Cæsari specta-
culum An-
gelorum &
hominum.*

*D. Ambrosi-
Theodosium
Imp.
Maximus
Episc.*

*Augustini
de excom-
municatio-
ne senectia.*

Qualis nobis causa est aduersus schismata Donati, & non cum illis, qui nouerunt Cæcilianum non veris sed calumniosis criminibus appetitum, & perniciosam sententiam suā mortifero pudore non deferunt: sed cum illis, quibus dicimus, etiamsi mali fuissent, propter quos in Ecclesia non estis, vos tamen eos ferendo, quos emendare aut segregare minimè poteratis, in Ecclesia permanere debuistis. Et paulò post: Nos, inquit, ad sanam doctrinam pertinere arbitramur, ex vtrisque testimoniis vitam sententiamque moderari, ut canes in Ecclesia propter pacem Ecclesiæ toleremus, & canibus sanctum, ubi Ecclesiæ pax tuta est, non demus. Hiltebrandus autem non solum Ecclesiæ perturbauit pacem, sed etiam ecclesiasticam scidit vnitatem, & vnicæ fidei vestem inconsutilem: dum Cæsarem & Episcopos communicantes Cæsari absque iudiciario ordine excommunicabat, & tertio gradu communicantes eis ab excommunicatione noua pietate excipiebat: quos huiusmodi artibus & regi subducere, & sibi allicere festinabat.

*Hiltebrandus peruersi
est schisma
in auctor.*

*Arguitur
hæreticus.*

Dicant nunc Hiltebrandi discipuli, quibus cõmentis, quibus coloribus deaurare possint, quòd ipse Hiltebrandus in synodo generali hæretica prædicauit, prædicando excommunicatis communicare consensit, prædicata scripsit, prædicatione & scriptis alteram catholicam, alteram excommunicatorum Ecclesiam faciens, vnitatem scidit, & scripta per orbem terrarum disseminauit: prædicando, scribendo, scripta disseminando seipsum hæreticum manifestauit, & ore proprio, & cõfessione hæreseos non extorta, diuino urgente iudicio, cõdemnauit, dum vulgus erroneum sanctum existimaret, & Apostolis exæquaret spiritum tanti erroris, cum etiam prudentiores eius laqueis caperentur, & inducerentur in tentationem, si fieri posset, etiam electi.

*Habetur
pro apostata.*

Mentimur, nisi tredecim Cardinales sapientiores, & religiosiores, ipse Archidiaconus & ipse primicerius & multi alij Lateranensium clericorum, quorum iudicio ex priuilegio sanctæ sedis totus subiaceret mundus, apostasiam eius intolerabilem perpendentes, ab eius communionem recesserunt.

*Dilectio de
deris Cæsari
obnuiciatum.*

Dicant, oramus, Hiltebrandi discipuli, qua præsumptione magister eorum vnitatem Ecclesiæ in duas vel plures partes diuisit? Si enim Cæsarem iniuste, & absque iudiciario ordine damnauit, seipsum potius ab Ecclesia separauit. Si verò iuste excommunicationis gladium in Cæsarem vel Episcopos communicantes Cæsari exeruit, quare communicantes ipsis Episcopis tertio gradu per scripturam excipiendo absoluit? Nunquid etiam vnus diei infans ab excommunicatis conceditur aliqua necessitate baptizari, vel ab excommunicatis baptizatus, & continuo mortuus, creditur saluari? Equidè sacer Ecclesiæ Chalcedonensis canon prædicat, apud hæreticos non posse ad salutem baptizari, & damnat eos, qui paruulos extra Ecclesiam baptizandos obtulerint. Quid propriè de paruulis apud excommunicatos baptizatis beatus Augustinus scribat Bonifacio Episcopo, in serie eiusdè epistolæ facile & lucide po-

*Expositio
excommunicatorum.*

dè potest reperiri. Reperitur & hoc ipsum in epistola beati Gregorij, quam pro paruulis sollicitus, Episcopis Longobardiæ misit. Reperitur etiam multipliciter in campis sacræ scripturæ latis & spatiosis.

Gloriosus autem Hiltebrandus, & pedisequus eius Turbanus, noua potestate soluentes decreta Chalcedonenſis Concilij, non solum verbis sed & scriptis publicis consenserunt extra Ecclesiam communicare & baptizare: quàm cæsi essent, quàm hæretici scriptis propriis deprehensi. Proh nefas, ij præsumserunt de Ecclesia iudicare, qui nusquam reperiuntur non errasse, quibus etiam ipsa veritas reputatur in mendacium, quam solo fallendi studio verbis & scriptis suis, ne venena erroris eorum perciperentur, quasi mel veneficorum more admisuerunt. Mendaciū enim est, vt beatus Augustinus ait, omnis enunciatio prolata intencione fallendi.

Vterq; autem, Hiltebrandus scilicet & Turbanus, in hæresin Liberij cecidit, qui postquam publicè communicauit excommunicatis, duas Ecclesias faciens, vnitatem scidit. Sed non tacuit beatus Presbyter Eusebius, quo legitimè defendente vnitatem vsque ad mortem, & vita & morte eius clarificante doctrinam catholicam, Liberius declaratus est hæreticus.

Liberium vnus Eusebius communionem eius deferendo, & iuxta Euangelium tanquam Ethnicum & publicanum deuitando, ligauit, vno spiritu cum beato Augustino magis opere quàm verbo dicens: Cœpisti habere fratrem tãquam publicanum, ligas illum in terra, sed vt iuste facias vide, nam iniusta vincula iustitia dirumpit.

Vnus Eusebius Liberium recedendo à communionem eius ligauit: quanto magis Hiltebrandus in errore perseverans cum angelis suis apostatis damnatus in abyssum relegatus est, Romanæ Ecclesiæ patribus ab eius communionem recedentibus, & eius hæreses & ligandi & soluendi abusionem execrantibus.

Anastasius Papa canonicè intrauit: sed quia vni excommunicato sine satisfactione publica communicauit, quidam Romanorum clericorum ex potestate & priuilegio sanctæ sedis communionem eius deferentes, eum ligauerunt, quia communicando excommunicato Ecclesiam diuidere præsumsit. Hiltebrandus verò à discipulis suis sanctus prædicabatur, quasi æqualia & longè deteriora non commiserit, quasi Romanæ Ecclesiæ clerici & laici publicè ab eius communionem non recesserint.

Sileant hypocritæ, sicut ait beatus Petrus piratis similes, beati Petri nomen igne malitiæ sub nomine catholico, sub obtentu iustitiæ, artificiosè supposito destruentes, & ferè demergentes. Obstupescant Pseudoprophetæ ad vocem Petri, in facie humani, in cauda scorpionum, lupi sub ouina pelle latentes, corpora trucidantes in oris gladio, & animas pariter deuorantes: quorum religio nihil aliud redolet, nisi proditiōe & auaritiā: penetrantes domos viduarū captiuas duxerunt

*Turbanus
Hiltebrandi
pedisequus.*

Mendacium.

*Hæresis Li-
berij.*

*Eusebius
Presbyter.*

*Locus Au-
gustini.*

*Argumenta-
tione à mi-
nore ad ma-
iorem.*

*Anastasius
Papa. Quia
abyssum de-
clarauit.*

*Hiltebrandi
discipuli co-
rumq; assen-
tatio.*

Hypocritæ.

*Nefaria ra-
ligio.*

mulierculas oneratas peccatis, sub occasione impacati tēporis attendentes spiritibus erroris, & doctrinis dæmonum, quas accepit Hiltebrandus magister eorum à magistris suis, à Theophylacto, qui cognominatus est Benedictus Papa 1 x. à Laurentio, Malasitano Archiepiscopo, à Ioanne Archipresbytero S. Ioannis de porta Latina, qui postea cognominatus est sextus Gregorius Papa.

Theophylactus, sacrificiis dæmoniorū deditus, in syluis & montib. mulieres post se currere faciebat, quas magicis artibus ad sui amorem coēgerat. Testantur hoc libelli ipsius inuenti in domo eius, postquam vitam malē finierat. Et hæc fabula adhuc rusticis Romanorum est notissima. Is dum ad Ecclesiam rediret de sylvarum secretis, ubiq; secum habens prædictū Laurentium, principem maleficiorum, cum eo etiam publicē de Mathesi disputabat, & vulgus auidum nouarum rerum nouis diuinationibus in sui admirationem excitabat. Nomen autem Laurentij apud simplices pro eo habebatur celebre, quia videbatur aliquando ex improuiso prophetare. Et de complice & discipulo suo Papa securus, gaudebat etiam publicē in conuentu Episcoporum & Cardinalium & Senatorū auguria sua magnificare, & ad cantum auium subito augurio denunciare, quid ipso die, vel hesternō vel nudius tertius factum esset in oriente & occidente, in meridie, in septentrione, & in remotioribus vel extremis terrarum partibus, siue de bellis siue de morte principum. Ad quem tentandum cū quodam die multi conuenissent, subito audita est auicula, quæ vulgo passer dicitur, dulces voces frequentare. Et Laurentius subito interrogatus in præsentia Theophylacti & Episcoporum qui conuenerant, quæ auis illa caneret, subito respondens: Auicula, inquit, hoc aliis canit auiculis, vt citō conueniant ad portam maiorem, vbi modō fractus cuiusdam rustici currus, & effusum est milium, quod super illum ferebatur. Inuitat autem frequenti cantu, vt illuc citō conueniant & saturentur. Quo audito, plures astantium concito cursu maiorem portam alij alium certatim præuenientes, petierunt, & sicut dixerat, inuenerunt.

Auguria eius nullo diuinæ legis zelo vindicabantur, insuper à cōplice suo Papa semper magnificabantur. Vnde factum est, vt aliqui curiosi sectati, publicē & liberē frequentarent contubernium & magisterium eius. Morabatur autem in domo prædicti Archipresbyteri Ioannis de porta Latina, qui studiosē eius magisterio adhærebat, & imbuebatur artibus illius.

Theophylacto autem & Laurentio adhuc iuuenibus, infecerat urbem iis maleficiis Gerbertus ille, de quo dictum est:

Transit ab R. Gerbertus ad R. post Papa viget R.

Et Gerbertus quidē paulo post completum millenarium ascendens de abyssō permissionis diuinæ, quatuor annis sedit, mutato nomine dictus Syluester 11. Et per quæ multos decepit, per eadem dæmonum responsa deceptus morte improuisa, Dei iudicio, est interceptus. Hic

responsum

*Magistri
Hiltebrandi.*

*Ioannes Gra-
tiani Ar-
chipresby-
ter.*

*Theophyla-
ctus magis-
ter Benedic-
tus LX. Pa-
pa.*

*Laurentium
Archiepisc-
pum Ar-
chiepiscopi.*

*Eiusdem au-
guria.*

Impugnatio.

*Magis-
trum Roma-
ni Gerberti.*

*Eiusdem
Papae.*

responsum à suo dæmone acceperat, se non moriturum, nisi prius in Hierusalem missa ab eo celebrata. Hac ambage, hac nominis æquiuocatione delusus, dum ciuitatem Hierusalem prædictam sibi credit, Romæ in Ecclesia, quæ vocatur Hierusalem, Missam faciens in die stationis, ibidem miserabili & horrida morte præuentus, inter ipsas mortis angustias supplicat, manus & linguam sibi abscindi, per quas sacrificando dæmonibus Deum inhonorauit. Et hic quidem dignum suis meritis exitum inuenit. Sed discipulos illius, Theophylactum & Laurentium, magistri mors teterrima à studiis idololatriæ non absterruit, quibus vltio diuina (vt paulò post dicendum est) non defuit.

*Miserabilis
inuentus.*

Discipuli.

Igitur post infelicem exitum Gerberti, certamen erat inter discipulos ipsius, dum quisque anhelaret ad rapiendum Papatum sibi. Sedit autem post eum decimus octauus Ioannes, & quinto mense veneno suffocatus dicitur à suis. Huic successit decimus nonus Ioannes, & vix annum peregit. Cui successit quartus Sergius, & sedit tribus annis. Anno quinto post Gerbertum sedit octauus Benedictus, Laicus, frater Albrici Tusculanensis, patruus Theophylacti, & vndecimo anno decessit. Huic successit frater eius carnalis, & patruus Theophylacti, vigesimus Ioannes, neophytus, & sedit annis nouem. His duobus suis patris successit Theophylactus, & anno vigesimo quinto post Gerbertum, magistrum suum, sedem fraudulenter obtinuit, & condiscipulum suum Laurentium & Archipresbyterum Ioannē Gratianum intimos & secretorum conscios habuit.

Successores.

Ioan. XII.

Ioan. XI.

Sergius III.

*Benedictus
VIII.*

Ioan. IX.

*Theophylactus
cognomen
Benedicti IX.*

Eodem tempore Hiltebrandus, relicto monasterio, prædicto Archipresbytero hæsit, & Archiepiscopi Laurentij magisterium secutus, in breui factus est vtriusque magistri imitator egregius. Qui cum vellet, manicas suas discutiebat, & in modum scintillarum ignis discubiebat: & iis miraculis oculos simplicium veluti signo sanctitatis ludificabatur. Et quia Diabolus per paganos Christum publicè persequi non poterat, per falsum monachum sub habitu monastico, sub specie religionis, nomen Christi fraudulenter subuertere disponebat. Sed quamuis peccatis exigentibus talia fieri permitteret dispensatio diuina, tamen tempus retributionis propinquabat.

*Hiltebrandi
magistri.*

Propheta.

In diebus illis defuncto Conrado, legis & religionis cultore fidelissimo, Romanorum Imperatore Augusto, Theophylactus, qui & Benedictus nonus, habito consilio cum familiari suo Laurentio, & aliis suis complicibus, molitus est filium Imperatoris Conradi, Henricum Imperatorem successionem Imperij exturbare, & in Ecclesia schismata diuersa seminare. Hoc enim est, quod amplius exigitur à mundi principio à tenebrarum principe. Misit igitur coronam Romani Imperij Petro, regi Vngarico. Sed ad Petrum expugnandum direxit Imper. Henricus Ducem Lotharingæ Gotfridum, virum fidelem & bello strenuum, & inter regni Principes clarissimum. Qui primo con-

*Conradus
II. Cæsar.*

*Henric. III.
F. in eum
Papa machinatur.*

*q. Benedictus.
IX. Petro,
regi Vngarico,
missa coronam
hoc in
scripta Ger-*

*fu. Petrus de
die Roman
Petro, et
Papa coro-
nam. Vide
Struypium
li. 1. de Vita
Henrici. III.
Papae pro
cio Gendae.*

*Joan. Gratia-
nus Papa
Gregorius VII.
Hiltebrandus
monachus
non minus
vixit.*

*Syluester
II.*

*Henric. III.
fidelissimus
et rectissimus
deturbat.*

*Inauguratur
Clemente II.*

*Deportatus
Gregorius
VII. et Hilte-
brandus in
Germaniam.
Eum autem
postea ex
infelix ele-
mentia.*

*Hiltebran-
dus Grego-
rij VII. haeres.*

Damasus II.

dictu Petrum bello captum, & omnes vicinas nationes, ne in eum ali-
quid praesumerent, deterruit, & ut digna factis tanti schismatis auctori
Theophylacto redderet, Romam venire disposuit.

Quo audito Theophylactus timore perterritus, vendit Papatum
complici suo praedicto Archipresbytero Ecclesiae S. Ioannis de porta
Latina, magistro Hiltebrandi, acceptis ab eo libris mille quingentis.
Qui ascendens sacram sedem tantae iniquitatis gradibus, nomine mu-
tato sextus dictus est Gregorius. Igitur Hiltebrandus in schola tam
profundae peruersitatis vlu & arte edoctus, erat tantorum fidus mi-
nister maleficiorum, & pessimis magistris peior discipulus. Quod ex
fructibus perfidiae ipsius postea percepit Ecclesia, per eum sub obtentu
Catholici nominis graui schismate lacerata, percepit & mundus,
bellis feralibus, & immensis caedibus, ipso auctore laniatus, & sub co-
lore mellis veneno propinato haeresibus nefandissimis propè suffo-
catus.

Eisdem diebus superpositus est in Papatum praedicto Archipres-
bytero Sabinensis Episcopus, qui mutato nomine dictus est Syluester
III. & factum est, ut Romana Ecclesia in partes diuersas scindi videretur.

Cum autem tanta peruersitas Romam ludificaret, diuino nutu af-
fuit Imperator Henricus, & (ut multa breuiter concludam) religio-
forum Cardinalium precibus efflagitatus, ipsis auctoribus, pro loco
officii sui, pro officio Imperiali, pro potestate sibi à sacris canonibus
concessa, ad purgandam Ecclesiam, ad extirbandum & vlciscendum
vi sacrilegos, deuotum se praebuit, Theophylactum in fugam coegit,
sextum Gregorium in custodiam reclusit, quem postea in exilium mi-
sit, Sabinensem Episcopum, quem non ambitio, sed vis ad Papatum
coegerat, ad sedem propriam redire compulit. Romana verò Eccle-
sia eius respirans auxiliis, secundum Clementem Papam elegit, sub
quo Ecclesiae vnitas, à quo & subsequenter Romanorum Imp. Augu-
stus venerandae memoriae Henricus coronatus est, & pro tantis me-
ritis vnicè glorificatus triumpho singulari, vnicè amoris priuilegium,
pellendo idololatrias Simoniacos, & vnitatem Ecclesiae defendendo,
promeruit.

Quibus strenuè peractis, sextum Gregorium, ut supra dictum est,
cum Hiltebrando discipulo suo in Teutonicas partes deportatione
damnauit. Nimia tamen pietate deceptus, nec Ecclesiae Romanae,
nec sibi, nec generi humano prospiciens, nouos idololatrias nimis la-
xè habuit, quorum memoriam aeterno carcere à contagione homi-
num remouere debuit.

Defuncto autem in exilio sexto illo Gregorio, Hiltebrandus per-
fidiae simul & pecuniae eius haeres extitit.

Eodem tempore Clemens Papa defunctus est. Huic successit Da-
masus, & sedit viginti tantum & tribus diebus, veneno, ut dicitur,
propinato

propinato suffocatus. Theophylactus enim magister Hiltebrandi, post fugam reuersus Romam cum familiari suo Laurentio, multis maleficiis sacram sedem vexabat, & per litteras discipuli sui Hiltebrandi ea, quæ in palatio Imperatoris gerebantur, resciebat. Eo igitur immaniter grassante, iterum Romana Ecclesia legatum ad Imperatorem dirigit, & ut consilio Cardinalium Papam eligendum Romam mittat, exposcit.

*Theophylactus
huius sedem
Romanam
vexat,
causâ ex-
ploratur Hiltebrandus.*

Bruno igitur, qui & Leo, ex consilio Cardinalium Romam inuitus & coactus dirigitur. In cuius comitatu nimia Imperatoris indulgentia permissus est reuerti Hiltebrandus, hac permissione sacerdotium pariter & regnum sub specie religionis euerfurus, & iuramenta Imperatori præstita non diu seruaturus.

Leo IX.

Hiltebrandus ridens.

Brunoni igitur multa loquendo in itinere se supposuit. Et, ut Romam venit, ab eo obtinuit, ut fieret vnus de custodibus altaris beati Petri. Et in breui oculos impleuit, & cui pecuniam illam committeret, filium cuiusdam Iudæi nouiter quidem baptizatum, sed mores numulariorum adhuc retinentem, familiarem sibi fecit. Et iam diu reconciliauerat sibi quendam alium incomparabilibus maleficiis assuetum, Gerhardum nomine, qui cognominabatur Brazutus, amicum Theophylacti, qui subdola familiaritate dicitur sex Romanos Pontifices intra spatium 13. annorum veneno suffocasse, quorum nomina hæc sunt: Clemens, qui sexto Gregorio damnato, & Theophylacto expulso, sedit mensibus nouem, & diebus septem: post Clementem Damasus, qui sedit dies 23. post Damasum Leo, qui sedit annos quinque: post Leonem Victor, qui sedit ann. 2. mensibus tribus, diebus septem: post Victorem Stephanus, qui sedit menses septem, dies 28. post Stephanum Benedictus, qui sedit menses septem, dies 20. Hic non veneno, sed vi & dolis Hiltebrandi fuit eiectus. Post Benedictum Nicolaus, qui sedit ann. 2. mensib. 6. diebus 25.

*Infinuat se
Leo.*

Rom facit.

*Adiungit ad
amicitiam
Brazutum
sex Pontifi-
cum patri-
cidam.*

Huius tempore Hiltebrandus prædictis duobus familiaribus suis pecuniam suam & consilia sua communicauit, & per eos venales linguas multorum sibi comparauit. Et post hæc Theophylactum antiquum dominum suum & magistrum, simulantem pœnitentiam, Leoni Papæ in dolo reconciliauit, & Theophylacti consilio & factione ipsum Papam Leonem contra Normanos armauit.

*Persequens
sres largi-
tiones facit.*

*Reconciliat
Theophylac-
tum Leonem.*

Igitur Leo Papæ eorum dolos minus intelligens, & Romam deserens, Alpes transiit, & multis Teutonicis sibi aggregatis, ad expugnandos Normanos Romam rediit, & Hiltebrando & Theophylacto instigantibus, in Apuliam contra Normanos transiit. Et quia Theophylactus manifestè eum lædere non audebat, simulato obsequio cum eo manens, & ingressus & egressus eius explorans, singula per secretos nuncios intimabat Normanis, & in manus eorum, Hiltebrando dictante, ipsum Papam tradidit. De quorum manibus vix Pa-

*Fuit amicus
& prædixit
expeditionem
Normanicam.*

*Theophylactus
huius Normanos
morâ emissam.*

pa (interfectis per proditionem Teutonicis) desolatus euasit.

*Venator se-
dis Romæ.*

Leone post modicum defuncto, Theophylactus de parentum potentia præsumens, Romanæ Ecclesiæ, quam prius toties vexauerat, iterum vexare non destitit.

*Hiltebran-
di artes.*

Interim Hiltebrandus, nouus Proteus, nouis præsumens tergiuer- sationibus, de Roma ad Imperatorem, de Imperatore ad Romam abs- que consilio Romanæ Ecclesiæ discurrebat. Et si quis alius in Papa- tum eligeretur quàm ipse, prædictus Gerhardus, cognomine Brazu- tus, familiaris eius, in breui illum veneno suffocabat.

*Veneficia
per Bra-
zum.*

*Ambitus de
Archidia-
conatu.*

Postquam autem sedit Nicolaus Papa, Hiltebrandus, quia Papa- tum adipisci non potuit, ad archidiaconatum quoquo modo inua- dendum se conuertit. Et Mancium tunc archidiaconum Romanæ Ecclesiæ multis iniuriis affixit & circumuenit. Qui victus contume- liis & dolis, & pecunia deceptus Hiltebrandi, ad vltimum concessit, vt Hiltebrandus vice eius archidiaconatu fungeretur.

Volentia.

Hac concessione Hiltebrandus arrepta, Nicolaum Papam ex im- prouiso aggressus, coëgit inuerecundis precibus & minis militum, quos pecunia collegerat, metum etiam mortis quibusdam terribili- bus significationibus incutiendo, vt eum archidiaconum ordinaret & constitueret. Et post paucos dies ipse Nicolaus defunctus est, vene- no, vt dicitur, suffocatus.

Expulsa.

Cardinales autem ambitionem Hiltebrandi non ignorantes, Im- peratorem multis precibus coëgerunt, vt eis in electo suo Parmensi Episcopo Cadolo fauorem & auxilium præstaret. Quod factum cor Hiltebrandi altius percussit. Et manifestè factus est Imperatoris ini- micus. Omnia iuræ fidelitatis vincula dirupit: & facta conspira- tione cum inimicis Imperatoris & cum Normanis, quem Parmensi Episcopo Cadolo, à Cardinalibus electo, opponeret, Anshelmum, Lucensem Episcopum, decepit, & eum in Papam eligi à quibusdam Romanis fecit. Et ipsum Anshelmum, mutato nomine, Alexandrum vocauerunt.

*Vitæ in
Casarem a-
menum.*

*Vindicta de
Antipapa.*

*Vindicta in
Gregorio Pa-
pam.*

Igitur Anshelmum, quem in dolo elegerunt, pariter & Parmen- sem Episcopum, quibus poterat artibus vexabat, quia vtrique succe- dere anhelabat.

*Inferna in
Alexandri
mori mazo-
rum obser-
uantem.*

Igitur vbi Alexander intellexit, se dolis & arte ab Hiltebrando & inimicis Imperatoris electum & intronizatum, die quodam, cum in- tra missarum solennia sermonem haberet ad populum, prædicauit se nolle sedere in sede Apostolica absque licentia & gratia Imperatoris. Et publicè dixit, se litteras huius rei gratia missurum ipsi Imperatori. Quo audito, Hiltebrandus vix manus, multa murmurando, donec missa compleretur, abstinuit. Missa expleta, ipsum Alexandrum cum militari manu ab altari duxit in cameram, & nondum exutum Pon- tificalibus indumentis, pugnis durè colaphizauit, increpans & impro- perans,

perans, quòd veller inquirere gratiam Imperatoris. Et statuit, vt ex eo die non daretur ei amplius quàm quinque solidi Lucensium denarium. Et ex tunc ipse Hildebrandus omnes redditus Romanæ Ecclesiæ sibi retinuit, & immensam pecuniam congregauit.

Alexandro igitur sub miserabili iugo Hildebrandi quodam vespere defuncto, eadem hora Hildebrandus à suis militibus sine assensu cleri & populi est intronizatus, timens, ne alius per moram eligeretur. In cuius electione nullus Cardinalium subscripsit. Ad quem cum veniret Abbas Cassinensis, ait ipse Hildebrandus: Frater, nimium tardasti. Respondit Abbas: Et tu Hildebrande nimium festinasti, qui nondum sepulto domino tuo, Papa, sedem Apostolicam contra canones vsurpasti. Hoc modo intronizatus Hildebrandus, qualiter vixerit, qualiter à se Cardinales, qui testes vitæ & doctrinæ eius esse debuerant, remouerit, quàm miserabiliter vexauerit, quantis hæresibus mundum corruperit, quanta periuria, quàm immensas perditiones consecrauerit, vix à multis describi potest. Clamat tamen altius sanguis Christianorum, eo auctore & incentore miserabiliter effusus.

*HOC EST DECRETVM HILTEBRANDI, IN
quo à doctrina & fide catholica aberrauit.*

GREGORIUS Papa Romanæ Synodo præsidens dixit: Nos sanctorum prædecessorum nostrorum statuta tenentes, eos, qui excommunicatis fidelitate aut sacramento constricti sunt, apostolica auctoritate à sacramento absoluiimus, & ne sibi fidelitatem obseruēt, omnibus modis prohibemus. Item: Et quoniam multos, peccatis nostris exigentibus, pro causa excommunicationis perire quotidie cernimus, partim ignorantia, partim etiam nimia simplicitate, partim timore, partim etiam necessitate, de victu vnà anathematis sententiam ad tempus, pro vt possumus, temperamus opportunè. Apostolica itaque auctoritate ab anathematis vinculo liberamus, videlicet vxores, liberos, seruos, ancillas seu mancipia, nec non rusticos & seruiantes, & omnes alios, qui nō ad eò curiales sunt, vt eorū consilio scelera perpetrētur, & illos, qui ignoranter excommunicatis excommunicant, seu illos qui communicāt cum iis, qui communicant excommunicatis. Quicumq; autem aut orator, aut peregrinus, aut viator in terram excommunicatorum deuenerit, vbi non possit emere, & non habet vnde eat, ab excommunicatis accipiendi licentiam damus. Et si quis excommunicatis non pro sustentatione superbix sed humanitatis causa aliquid dare voluerit, non prohibemus.

*LITTERÆ, QUIBVS VOCATI SUNT
Hildebrandini ad audientiam.*

ADELBERTVS, Episcopus S. Rufinæ, syluæ candidæ, Ioannes, Episcopus Hostiensis, Hugo, Episcopus Prænestinus, Albertus, Episcopus Nephesinus, Benno, Cardinalis presbyter vrbis Romæ, Romanus, Cardinalis presbyter vrbis Romæ, Guido, Cardinalis presbyter vrbis Romæ, Octauianus, Cardinalis presbyter designatus, Paulus, Primicerius Romanæ Ecclesiæ, Nicolaus, electus Abbas S. Syluestri vrbis Romæ, N. Abbas S. Pancratij vrbis Romæ, & clerus: Et clarissimi principes laici, Theobaldus Chinebij & Vdalricus de S. Eustathio, & populus Romanus, omnibus Deum timentibus & salutē Romanæ reipub. diligentibus.

*Hiltebrādi
hæreses.*

Nolumus ignorare prudentiam vestram, quòd ad destruendas hæreses, nouiter ab Hiltebrando inuentas, & antiquas sub nomine pietatis impiè ab ipso renouatas, & ad defensionem fidei catholicæ, & ad exterminandam impietatem eorum, qui nouiter ipsam fidem catholicam (quantum in ipsis erat) scindere non timuerunt, Deo autore, Nonis apud S. Blasium conuenimus, octauo Idus apud S. Cellum, septimo Idus apud S. Mariam in Ecclesia, quæ vocatur Rotunda, conſedimus, ipsas hæreses damnatas sicut maiores nostri & nos damnamus, omnes sectatores, communicatores, complices semel damnatæ prauitatis pari sorte censemus, ne si vel paululum taceamus, consentire videamur. Eos verò, qui authoribus errorum communicant, data securitate liberè veniendi & abeundi, vocamus, & vt per maiores

*Reinerm
Ioānes Bar.
gaudes.*

suos dominum Raynerium & Ioannem Burgūdionem causam suam agant, admonemus: securitatem integram in quantum possumus vsque ad festum omnium sanctorum proponimus, etiam cum in causa sua defecerint, neminem circumuenientes, nullius sanguinem, sed omnium vitam & honorem sitientes, nec seditiones in populo commouentes. De causa enim sua diffidere videtur, quisquis auctor est seditionis. Pacem verò & dilectionem synceram proponimus omnibus, pacem & veritatem & vnitatem catholicæ Ecclesiæ amplectentibus, vt simus filij patris nostri, qui in cælis est. Qui enim ex patre Diabolo sunt, opera patris sui faciunt conspirationibus, seditionibus, & cuius filij sint, manifestè ostendunt. Nos verò illius discipuli esse desideramus, cuius doctrina etiam inimicis sanè est intelligenda. Orent pro nobis Ecclesiæ filij, vt crescat sermo Domini, &c. Data Romæ cōtra schismaticos in sacro conuentu, Anno ab incarnatione Domini 1098. indictione sexta, 7. Id. Augusti.

*Hæresis
domi ferma
dam.*

*In seditione
quoniam
hæreses au-
diores.*

*Hiltebrādi
sermonem per-
metit.*

*In eadem
sermonem de-
cretum.*

His litteris vocati sunt. Declinarunt autem audientiam schismatici per 16. annos, per obsides potentes & clarissimos, etsi per sacramenta inuitati, ne caperentur suis mendaciis, ne suis libellis conuincerentur, quibus auctores eorum corruerunt terram hæresibus variis, longè lateque disseminatis per Apostolos multiplicis erroris. Sacer etiam conuentus toties deprehensa eorum versutia, in conspectu Ecclesiæ coram

sic coram multitudine Romanorum ait: Eos, qui sanctam Ecclesiam scindere non timuerunt, iterum vocamus ad Synodum, quam Deo auctore celebrare disposuimus circa Calend. Nouembr. In presenti tamen, quia venire renuunt, testes inuocamus contra eos cælum & terram, quòd nullum consensum adhibemus eorum peruersitati. Et in testimonium illius in medio Ecclesiæ, in conspectu angelorum & hominum, incendio tradimus decreta eorum hæretica, quibus orbem terræ peruerterunt, verbum Dei adulterantes, sub ementito colore pietatis quærentes plus se, quàm fidem catholicam amari. Qui per 16. annos nullum dederunt locum veritati, fugientes lucem examinationis, tenebris errorum assueti, falsis expositionibus violenter intorquentes scripturas in adiumentum nefandissimi schismatis.

*Libri ex-
p.*

Hiltebrandus in extremis suis vocauit ad se vnum de Cardinalibus duodecim, quem multum diligebat præ cæteris, & confessus est omnipotenti Deo, & toti Ecclesiæ, se valde peccasse in pastoralis cura, quæ ei ad regendum erat commissæ. Atque hunc confessorem suum misit ad Imperatorem, & ad totam Ecclesiam, vt optarent illi veniam.

*Hiltebran-
dus mortu-
us imp. &
Ecclesiæ im-
punitus se-
natus posuit.*

F I N I S.



